

藤陰雜記



88824

三

藤陰襍記

十二卷

57.176
3817
8824

敘

余弱冠入都留心掌故嘗閱王漁洋偶談筆記等書思欲
續輯於是目見耳聞隨手漫筆及巡視東城六街踏徧凡
琳宮梵宇賢踪名蹟停車諮訪筆之於書甲寅讀禮閒居
重加芟削見舊聞考宸垣識畧已載者悉去之彙存十二
卷固不若說鬼談狐令人聽而忘倦也寓移槐市斜街固
昔賢寄迹著書地院有新藤四本漸次成陰恆與客婆娑
其下爰仿漁洋香祖之例卽以名之嘉慶丙辰陽月吟梅
居士戴璐

藤陰雜記

序

重刻藤陰雜記序

吾鄉戴蕝塘先生博聞多識著作等身尤熟於

國朝掌故自官水曹至躋卿貳前後垂三十年凡耳目所及筆之於書爲藤陰雜記十二卷首述國初諸先達科名盛事次紀京師五城名勝末簡旁及郊坰其間詩酒遨遊古今興廢靡不考据精審殫見洽聞大旨仿漁洋山人偶談筆記諸書而作也先生哲嗣鼎恆守南康時始行鈔版旋遭兵燹其書已不可復覩壬申之春余方重刊科第表姚君子湘袖一冊示余因亟爲校閱篇之闕者補之字之訛者正之重付手民越三載而歲事溯先生生平淡泊寡營不事家人生產而汲引後進修廢舉墜皆身任之而不遺餘力勸建郡館手訂科第表其所以嘉惠桑梓者歷久難忘余自辛未冬與鄭聽篁比部經理館事每以不克承先生創垂之功爲懼今秋拜典郡西川之

命行有日矣適是書剞劂告成將與科第表同度清遠堂中庶幾先生之著述長留鄉之人皆有所矜式也已時光緒三年歲次丁丑九月同里後學沈鉉謹序

重刻藤陰雜記序

重刻藤陰雜記序

重刻藤陰雜記後叙

原夫科名佳話莫詳於定保撫言莪事英譚莫備於文昌
雜錄臧否月旦表彰風收採擢驪淵之珠甄緝雉囿之羽
彘括剗乾駢羅積軸鄭元業諮干杓水詎殊苦海之投裴
廷翰辨謝營邱奚等空籠之獻欲橫經以貫緯甲乙戢籤
實鎔錘以鑄鑪丹鉛擁席邈是船車合轍刻晷儀璘耀厥
縑細蘊彼琳櫝矣至若廟廊逸境見牆有未墜之道鄉閭
令望當戶深其萎之悲曩哲之架獲堪師後俊之圭臬勿
替陳篇親炙手禪猶新故老罕聞額塵倍馨如吾郡戴蕝
塘先生所著藤陰雜記有得而述焉溯如先生當撰述之

藤陰雜記後敘

一

時行人游秩罔伯躋班披多袞而巡鐸郵規飾鷺車而周
廬警戒參馭月省金根恪侍乎御龍輿衛日閑錫綬聿靖
於典馬又復養性綽裕稽古瑯耽素絲詠退食之章青瓊
脩進德之益潛曜閎諱葆貞鞏萃輪楫靡逾於方州俛仰
孰畔於峻壑擇屣遐邃屏跡空囂家攬藏書座乏俗客鬱
煙霞而栖庭森風雨而爽牖蒼翰蟠珞虬參霄而狀紛拏
叢苞綴珠麝泥宇而馨蜚襲一室順道三餘沃心靈檀有
徵漂麥不計假藤陰而號館寶石鼓以名齋旋房靚深闢
徑幽做息游愜愜倚慮澄懷每當判袂雌黃餽守黑宏
包綜錯集瑄紛蕤探首善於輦轂數掌故之衣鉢究其例

端挈其體要城分五而上下屬其一弓聯十而郊垆埒其
二旗亭畫壁鈴塔道場裙屐筮詒壇坵弦誦勒嘉言懿行
以作箴言廣殫見洽聞以供計論雖哉笏軒冕獨重道義
交游而巖壑林泉不忍賢能湮没多識徵信固選詞之神
臬好學當誠迺超步之芳軫分門別類紀月編年據事直
書循名核實法田生菑川之美叅梁邱琅瑯之勤擅應邵
漢官之禮儀倣杜撫建武之記註維城之錄能舉大凡房
從之書復釋通例歐陽未著資疏證於百家延壽有才定
月章於六代弁以酉齡訂記勒座右之金銘進以丕漏陳
編跋雄文之絳帖元紘撫實採故事於雲間復圭磨言攷
藤陰雜記後叙

二

異聞於日下他若分甘居易夢餘舊聞步履承繩敬業樂
羣之雅佩韜殞策開先待後之常游繹蕩微鏃礪揭鬱律
度運于騰牒綱格協于緜繫敷推彬粲佐隸趨簡用能枕
肱振徽領袖轍父釋鞭板之任搗牧虛矜踞竈觚之知獎
譽矯矢鏘金而披如掃葉釣玉而炫若瞬葩奢雙石之奇
龜羅共侍享千金之筭邕善同資必拳拳以服膺故津津
而樂道譬諸辨九條於禹貢晰朔南暨之文規四正於義
爰闡東北朋之義者矣更考先生闢構造厦拔寒覆單創
擎鼎而贊成詠適館而好會吳興胥宇清遠肇名詎遷地
而弗良洵有基而勿壞於是計偕之彥銓謁之儔登斯堂

者賓至如歸爰得我所客來不速大庇懼顏斯又振起者
是行是訓逵遜者不愆不忘也而迺薄袂悽逸版帙宋寥
麻沙劫餘半遭蟬蝕羽陵軼墜羣慨鴻泥撫白駒之促光
懼赤烏之熄跡儻使薄笏不入班固之筆草元或覆楊雄
之甌一綫誰延千鈞曷繫迺有織簾派裔詠樓搢紳亟發
柱下之遺恍搜壁中之逸爰籌梨棗用慰梓桑緬提唱之
高風俾校讐之研露顧橋島尋趣燈檠支搯螢爛亦或燒
心蠅絲且能縛足目旣窘於蹶泮身復拘於牂奧亮慚懣
墨蒙贅玷牋惟亥豕魯魚幾費摘疵刊繆郭公夏五還須
補缺掇殘希倪孟之多藏做衛徐之能保差喜晏楹具在
藤陰雜記後叙

三

宛委罷祭馬之巡杜庫足微囁喘做畫牛之讀光緒三年
丁丑重九日同里後學姚凱元謹叙

藤陰雜記卷一

吟梅居士



王弇洲及徐應秋玉芝堂談薈俱記有明盛事王漁洋池
北偶談香祖筆記載止康熙中葉今將

本朝盛事續錄於左

父子大拜桐城張文端公英次子文和公廷玉常熟蔣文

肅公廷錫子文恪公溥無錫嵇文敏公曾筠子文恭公璜

父子一品商邱宋文康公權大拜子肇吏部尚書海甯陳

清恪公誥禮部尚書子文勤公世倌大拜錢塘徐文敬公

潮吏部尚書子文穆公本大拜諸城劉文正公統勳大拜

藤陰雜記 卷一

子壻今吏部尚書大拜富陽董文恪公邦達禮部尚書子

誥今戶部尚書大拜

父子兄弟九列桐城張文和公弟廷璐戊戌榜眼禮部侍

郎廷琛工部侍郎文和子若靄若澄俱內閣學士若淳刑

部侍郎靜海勵文端公杜訥刑部侍郎子文恭公廷儀刑

部尚書孫宗萬刑部侍郎錢塘徐文穆公弟杞甘肅巡撫

子以烜禮部侍郎武進劉文定公綸大拜子躍雲禮部侍

郎休甯汪文端公由敦吏部尚書子承霽戶部侍郎嘉興

錢文端公陳羣刑部侍郎加尚書銜子汝誠戶部侍郎溧

陽史文靖公賚直大拜子奕昂兵部侍郎蔚州李旭升吏

部侍郎子 周望 禮部尙書陽城田文端公 從典 大拜子 櫛

吏部侍郎錢塘梁文莊公 詩正 大拜子 敦書 工部侍郎臨

川李 紱 戶部侍郎孫 友棠 工部侍郎安溪李文貞 光地 大

拜孫 清植 禮部侍郎曾孫 宗文 工部侍郎南昌熊 一蕭 工

部尙書孫 學鵬 兵部侍郎廣昌魏 方泰 刑部侍郎子 定國

吏部侍郎常熟蔣文恪公 櫛 兵部侍郎 賜榮 戶部侍郎

大興黃 叔琳 吏部侍郎子 登賢 漕運總督海豐吳 紹詩 禮

部尙書子 垣 吏部侍郎 壇 同時為刑部侍郎涪州周文恭

公 煌 兵部尙書子 興岱 禮部侍郎光州胡文良公 煦 禮部

侍郎子 季堂 刑部尙書桐城方恪敏公 觀承 直隸總督子

藤陰雜記 卷一 二

維甸 副都御史若八旗名臣碩輔恒出一門史不勝書未

敢率記

兄弟翰林同時九列前則崑山三徐華亭三王已見池北

偶談今則南匯吳 省欽 工部侍郎 省蘭 內閣學士滿洲 鐵

保禮部侍郎 玉保 吏部侍郎

同胞三及弟崑山徐氏而後惟武進莊 存與 乙丑榜眼弟

培因 甲戌狀元 卓 探花 茆 薦馨 俱宣城

同邑一榜及第康熙己未榜眼孫 卓 探花 茆 薦馨 俱宣城

人壬辰狀元王 世琛 探花 徐 葆光 俱長洲人乙未狀元徐

陶章 榜眼 繆 日藻 會元 傳臚 李 錦 俱蘇州人雍正庚戌狀

元周屬探花梁詩正俱錢塘人乾隆壬戌榜眼楊述會探

花湯大紳俱武進人乙丑狀元錢維城榜眼莊存與俱武

進人

翁婿狀元彭大司馬啟豐丁未狀元婿莊培因甲戌狀元

金少宗伯姓壬戌會狀外孫汪如洋庚子會狀

鼎甲三人同時入座康熙癸丑狀元韓大宗伯文懿榜眼

王大司農鴻緒探花徐侍郎秉義乾隆乙丑狀元錢少司

寇維城贈向書文敏榜眼莊少宗伯存與探花王大司農際華諡

越十餘年會元蔣少司馬元益以侍御歷侍郎一時稱盛

文敏未幾卒於家文莊師卒於位莊公休歸卽卒獨蔣少

藤陰雜記

卷一

三

司馬年八十餘

乾隆丙辰榜眼黃孫懋五年卽擢閣學而卒探花秦大司

寇蕙田諡文恭狀元金總憲德瑛傳臚蔡中堂新二甲二名曹

大宗伯秀先諡文恭俱官一品金秦俱六十外卒漳浦以宰輔

致仕十年重宴鹿鳴年已九十

祖孫父子同科江西奉新甘莊恪汝來官巡撫時父萬達

弟汝逢子禾雍正丙午同舉於鄉封公後官知縣不受冢

宰封誥亦奇

父子同登進士乾隆己未烏程費瀛子蘭先甲戌嘉善周

翼洙子升桓辛巳大興邵自鎮子庚會前此未查若父子

同科及同胞同舉尙多不及錄

同胞同登進士順治丙戌膠州法若真若貞己丑烏程姚

延啟延著康熙丁未宜興儲方慶善慶庚戌福山鹿廷瑛

延瑄丙辰歸安沈涵三會聯名入翰林己丑長洲張學庠

學賢大興黃叔琬叔瓌乙未長洲李錦文銳乾隆丁巳歸

安潘汝誠汝龍戊辰涿州劉湘洵己丑山陰沈詩李詩杜

壬辰咸甯賈策安策治戊戌大興邵自昌自悅丁未靈石

何元煥道生乙卯吾郡王以鐸中會元第二名卽胞兄以

衡廷對狀元則前此所未有嘉慶丙辰南昌許庭椿應喈

同胞三同甲康熙辛丑宜興儲大文會元弟郁文雄文同

藤陰雜記 卷一 四

榜

同胞五登甲科大興金樹溶潢洪濬門懸五子登科額同

年邵楚帆侍御自昌弟自華自悅自本自和自巽自彭則

六正榜一副榜代州馮履成履泰履謙履豫履豐亦同胞

祖孫會狀康熙丙辰彭定求雍正丁未彭啟豐亦無繼者

父子鼎甲溧陽任蘭枝癸巳榜眼子端書丁巳探花鎮洋

汪廷輿戊辰探花子學金辛丑探花

己亥江南解元錢葵辛丑會狀翁閣學作三元詩德定圃

師和韻趙雲崧翼作三元考謂唐張又新崔元翰宋孫何

王曾宋庠楊真王巖叟馮京金孟宗獻元王宗哲明商輅

及錢而十一

重赴瓊林康熙己未趙執信王材任俱於乾隆己未稱前

後同年辛未黃侍郎叔琳庚辰史文靖丙戌熊編修本庚

戎嵇文恭亦然丙辰蔡中堂未及來京

王文恭公項齡舉康熙癸卯鄉試雍正癸卯重赴鹿鳴作

公宴詩黃侍郎庚午重赴卽次其韻辛未又次韻重赴鹿

鳴康熙丁酉侯官鄭開極乾隆丁卯錢塘周天相丙子歸

安吳大燁壬午永福黃任甲午霸州孟瑋近年己酉科雲

南賽璵年九十二浙江吳編修嗣富壬子福建三人大學

士蔡新年八十六陳材年八十八邱理德年八十三湖北

藤陰雜記 卷一 五

御史萬年茂前壬子解元年八十六湖南石鵬翥年八十

一譚昌明年八十六曾寓四川營補令山西乙卯馮侍御浩以丙辰

舉人年七十七奏請預宴湖北陳編修中龍年八十九雲

南沈詠孫似茗俱官知縣年八十外

國朝年少登第順治丁亥王文靖熙年二十乙未伊文端

桑阿年十六戊戌陳文貞廷敬年二十康熙己未李丹壑

孚青年十六辛未黃崑圃叔琳年二十庚辰史文靖年十

九壬辰舒大成年十八辛丑勵少司寇宗萬年十七雍正

庚戌嵇文恭年二十

乾隆朝年少登第丁巳德定圃師年十九己未蔣麟昌年

十九乙丑夢侍郎麟年十八戊辰朱大司馬珵年十八壬

申熊恩紱年二十甲戌戈太僕源年十九丁丑彭紹升年

十八辛巳秦中丞承恩年二十丙戌祥布政胤年二十甲

辰蔣編修倭銛文學士寤俱年十九

教官金榜掛名且中狀元明惟翁正春一人稱盛事乾隆

辛巳王韓城藍田教諭辛卯榜眼王增增由臨安教諭丁未

狀元史致光由湯溪教諭嘉慶丙辰榜眼汪守和由新喻

教諭

一省三鼎甲順治丁亥呂宮武進人程芳朝桐城人蔣超

金壇人戊戌孫承恩常熟人孫一致鹽城人吳國對全椒

藤陰雜記

卷一

六

人已亥徐元文崑山人華亦祥無錫人葉方壽崑山人康

熙癸丑韓葵長洲人王鴻緒婁縣人徐秉義崑山人己未

歸允肅常熟人孫卓茹薦馨俱宣城人己丑趙熊詔武進

人戴名世桐城人繆沅泰州人雍正庚戌周霽錢塘人沈

昌宇秀水人梁詩正錢塘人乾隆庚戌石韞玉吳縣人洪

亮吉陽湖人王宗誠青陽人

順治己丑新進士卽用道府二十餘人分發兩廣止此一

科後不爲例

解元狀元康熙甲戌胡任輿辛酉解元乾隆辛未吳鴻丁

卯解元辛丑會狀錢榮己亥解元康熙初解元中進士無

不入翰林者今不盡然

大宗伯德定圃師乾隆癸未己丑庚子辛丑甲辰五典會

試韓城王中堂乾隆乙未戊戌丁未己酉庚戌五典會試

前此惟孝感熊文端公賜履康熙癸丑甲戌丁丑庚辰癸

未五典會試少宗伯介師乾隆辛未甲戌丁丑庚辰四典

會試諸城劉文正公統勳乾隆辛未丁丑辛巳辛卯四典

會試高陽李文勤公蔚順治戊戌康熙甲辰丙辰三典會

試澤州陳文貞公廷敬康熙壬戌辛未癸未三典會試桐

城張文和公廷玉雍正癸卯甲辰乾隆丁巳三典會試溧

陽史文靖公貽直雍正甲辰丁未乾隆乙丑三典會試

藤陰雜記

卷一

池北偶談漢閣臣康熙朝江南末徐張李張五人後太倉

王公拔華亭王文恭公頊齡山西沁州吳公後澤州

陳文貞公廷敬福建則安溪李文貞公光地四川遂甯張

文端公鵬翮直隸各省無續拜者雍正朝江南三人桐城

張文和公廷玉在位二十餘年常熟蔣文肅公廷錫無錫

稽文敏公曾筠浙江海甯陳文簡公元龍江西高安朱文

端公軾山西田文端公從典乾隆朝江南溧陽史文靖公

貽直常熟蔣文恪公溥武進劉文定公綸金壇于文襄公

敏中武進程文恭公景伊無錫嵇文恭公璜浙江錢塘徐

文穆公本海甯陳文勤公世倌錢塘梁文莊公詩正會稽

梁文定公 國治 仁和孫公 士毅 山東泰安趙公 國麟 諸城

劉文正公 統勳 廣西臨桂陳文恭公 宏謀 福建漳浦蔡公

新 陝西韓城王公 杰 浙江富陽董公 誥

尹文端公四督兩江甲申四月八日七十生辰拜相仍督

兩江袁子才 枚 爲公門生呈詩云紫禁城頭駐玉車宮闈

深處女兒家萬釘寶帶天邊賜十部笙歌宅裏譚北面公

侯爭把蓋東床 帝子替簪花休誇與佛同生日轉恐光

榮佛尙差又韋平兩世黃扉業伊呂三朝白髮身兒童竹

馬頭成雪官舍甘棠樹拂天新築沙隄迎使節剛調梅雨

到江村文端紀

藤陰雜記

卷一

八

恩十絕其三云舊沙隄上築新沙如此光榮有幾家說與
兒孫須努力兩朝父子領黃麻

杭州王弼山 正功 出入省闈二十年每入直輒搜考檔案

勒成一書名中書典故彙紀其目有六日官制日職掌日

儀式日恩遇日建置日題名而以雜錄終焉杭 世駿 作序

阮吾山司寇 葵生 留心掌故恆以在閣未久未及徧閱檔

案爲憾

汪厚石 孟錫 久困公車壬午 召試中書初到內閣口號

云陳人久歎積薪餘乍許清班學步趨獵獵西風敝裘帽

東華門外喚車驅靜聽閣老馬蹄聲侍讀諸公白事迎我

自田間來幾日慎教輕易上階行六科書吏立如麻齊下
三單卅點加掃筆紛紛忙注本日輪眼急下東華

遇啟鑿封印

日則三日本齊下

乾清門側檔初交匣硯看人喚打包枯坐今朝

拚守晚領歸諭摺件傳抄

每入頓派一人候夜直交代爲守晚

上諭奏摺日直中例

御門聞道特除官硃筆題名敬奉觀別有改簽更式樣傳

宣票擬細尋端

御筆親書爲硃簽特旨改標爲改簽

輪班辰入退過申來

是空言兩隸人莫怪此間無灑掃禁城清絕不生塵典籍

廳任事八首云六年歷俸八年資又向西廳坐褥移一轉

成仙人共笑逴迴不去待何時寂寞茶房淡泊廚喧然吏

役日高初各堂上任誇誰似一飽猪羊祭庫餘

典籍到在例以猪羊

藤陰雜記

卷一

九

祭庫畫行事細粗能曉點卯人多猝未詳夜直若非連兩夜

軍機須去面中堂

供事皂隸紙匠蘇喇朔望日赴廳唱名漢典籍無圍直夜直連兩日

印單

印簿縫鈐存放鑰開箱畫繼昏始識相公多攝事十纜一

二木衙門

中堂有兼管斯館行部院衙門文俱用廳印以印單爲憑

上諭處國史館三通館俄羅掌

印幫班等樣官平明滿漢一廳攢考勤簿子親書押要送

兼廳侍讀看

滿漢典籍各二缺餘皆別堂來兼理者滿侍讀學士侍讀兼廳則爲廳官之長

北廳

章奏南廳案大庫文書小庫銀承發散班齊了事辦香醕

酒祭科神

廳供事南北各十四人五月十日釀錢事科神云是蕭曹也

寶箱例引赴

乾清肅

駕年年典據徵接送預行

交泰殿奉盈一念警宵興旃檀香寶交泰殿二十五寶

一員赴乾清官請寶駕旋送寶亦如之辦事銜名不自由背推踵接此

勾留莫將五日輕京兆尙許咎人喚皂頭吏部選例中書帶辦事銜者題

管典籍撰文則否丙戌進士官吏部未幾年

蔣茗生士銓甲戌考取中書夜直詩朝衣墨漬帶酸寒誰

喚仙郎上界官海內封章留視北天邊綸綍在毫端晝持

襪被花同宿人散黃扉月自看那似鳴機圖畫裏小窗燈

火坐團圞的是一人獨直情事

徐中丞士林康熙癸巳進士初官中書時有句云歸來惹

得山妻問侍女薰香近有無後由部郎歷官江蘇巡撫方

藤陰雜記

正最著沒祀賢良官蘇臬對云看階前草綠苔青無非生

意聽牆外鶉啼雀噪恐有冤魂仁人之言歷久未沫

內閣大堂西槐樹會試年鵲結一巢則中書得鼎甲一人

乙未結數巢則狀元吳錫齡榜眼汪鏞探花沈清藻會元

嚴福皆中書吳沈次年卒嚴官亦未顯今惟汪編修存中

書會試必有中者乙卯止中一人丙辰無之

吏部翰林院禮部國子監土地俱祀韓昌黎未知所自趙

甌北翼入翰林詩以解嘲云瀛洲署中坎社鼓社公傳是

韓吏部建置本末無可徵肇祀不知意何取從來名賢及

為神各視生平所建豎或班侍郎居碧落或冊真人位紫

府或選閻羅分殿十或封遮須列爵五鬼官司命周顛除
太陽都錄魏徵補白傅已列蓬萊仙曼卿更拜芙蓉主况
公日星河嶽氣立朝大節炳千古絕脉能開道學先餘事
亦號文章祖抗疏幾碎佛氏骨從祀不慚宣聖廡豈宜罰
作土地神坐使淮陰噲爲伍屈宋詎稱銜官職樂卻翻充
皂隸戶生前磨蝎坐命官曾謫嶺南鮫鰐浦庸知身後尙
躋蹬無端又遭左遷侮鄉先生可祭於社此土初非公故
土卽云立社爲樂公公未久修史館簿區區冷官一嚮肉
豈足爲公增華膺我來展謁聊解嘲且勿牢騷碩人俟幸
未改塑浮屠像

潮州有公像作浮屠形郭青螺易以木主

儒服依然端章甫香

藤陰雜記

卷一

七

火祠雖處末僚翰墨緣仍近藝圃猶勝杜陵老拾遺變作

十姨呼阿姥

杜拾遺廟訛作杜十姨塑女像見蓼花洲閒錄

史文靖公康熙庚辰年十九館選後歸娶繪玉堂歸娶圖

徵詩袁子才枚亦已未館選歸娶題文靖圖云愧作彭宣

拜後堂絕無衣鉢繼安昌算來只有歸迎事曾學黃梁夢

一場吾湖丁巳沈庶常雲蜚亦翰林歸娶未幾歿于京邸

袁賦輓詩而鄉人有不能舉其姓氏者矣

乾隆七年編檢侍班始掛朝珠商寶意盤詩云一現牟尼

五色重陸離婉婉轉正當胸欲宣梵唄酬君德百八珠隨

百八鐘螭坳鵠立兩班瞻中憲俄驚秩驟添從此披香案

前吏果然仙佛一身兼想是時四品方掛五品尙不得云
劉文定公以武進廩生丙辰二十六歲擢博學宏詞第一
廷試五六天地之中合賦諸徵士不解所出公獨揮翰如
飛張文和公故睨公卷對衆朗吟始共得題解詩題山雞
舞鏡有句云似擬投林方戢戢可能對語便關關一時傳
誦時沈歸愚宗伯同試未第俯首曰吾輩頭顱如許乃不
如白面後生得不愧死

武進莊本道學士

培因

少負才華不作第二人想乾隆乙

丑令兄方耕少宗伯

存與

以第二人及第學士賦詩調之

落句云他年令弟魁天下始信人間有宋祁果中甲戌狀

廉陰雜記

卷一

十一

元館課夏雲多奇峯有天際落芙蓉句頗自矜詡未幾卒

此與蔣濩溪

麟昌

羊燈無焰三更碧句同一詩讖甲戌會

榜莊中第三名第一胡

紹鼎

第二朱

蔡元

莊爲彭芝庭尙

書堦尙書笑謂曰君當作狀元不見榜頭書鼎元莊耶一

時語慧遂成佳讖二則見炙硯瑣談

同年湯緯堂輯

阮吾山少司寇

葵生

與秦通政蒞江

清

同保臺諫同日補

授二公皆壬申鄉舉秦問阮曰君南榜名第幾阮曰五十

三秦訝然曰予列陝榜亦五十三名秦又言辛未偶取丁

卯賈天祿庚午蕭克明殊卷讀之皆五十三名戲謂予亦

欲中五十三名已而果然又通政胞兄

浩生

中癸酉五十

二名戲謂遲弟一歲高弟一名荻江曰高弟一名畢竟遲弟一歲

宜興陳其年維崧年四十餘尙爲諸生有日者謂曰君過

五十必入翰林梅杓司磊贈詩朝來日者橋邊過爲許功

名似馬周己未果以鴻博授檢討年五十六

名士晚達康熙丁丑姜西溟辰英七十三中探花癸未王

樓邨式丹五十九會狀宮恕堂鴻歷五十八查他山慎行

五十四己丑何端簡世璣五十八壬辰胡文良煦五十八

乙未裘璉七十二辛丑陸坡星奎勳五十九俱入翰林乾

隆丙辰劉起振八十歲授檢討己未沈歸愚尙書六十七

藤陰雜記 卷一 三

入翰林癸丑吳賡五十八歲中會元入翰林嘉慶丙辰

元和王巖八十六歲中式尙未殿試

高江村士奇錢塘諸生年十九貧至京師賣文自給新正

爲人書春帖子自作聯句偶爲

聖祖御覽召見授錄事年三十二有空對西風歎二毛之

句遂改中書擢侍講不數年晉宮詹放歸起用歿諡文恪

勵近公杜訥靜海歲貢年六十選授州同會三殿三門禁

扁書未工整人薦書扁合式遂授編修七十二歲開坊升

侍郎贈尙書亦諡文恪二公不由科目遭際亦同

孫松坪致彌嘉定人耿都尉薦以布衣

賜三品服充朝鮮採詩使士論榮之康熙戊辰入翰林旋以連染下獄起用升學士而卒亦儒生榮遇

順治丙戌會試杜月湖芳以庶吉士同考得魏柏鄉喬介

卷已擬第一後改十二名李爽棠本十二名改第一月湖

評魏文擬之以蘇長公果居揆席而月湖分校次年卽卒

柏鄉作誌銘述之

本朝直隸狀元自雍正甲辰陳大宗伯惠華始封翁夢神

人贈松柏兩株桂花一枝吟詩以紀有庭樹兩株邀祖德

天香一瓣續孫枝之句長子惠榮少子惠正俱以進士官

藩臬宗伯登上第年八十三而卒

藤陰雜記

卷一
范浣浦咸雍正癸卯聯捷入翰林先是夢得泥金賀帖有

齊第五三字鄉會首題第五字皆齊字子華使於齊一節道之以德齊一節

咸安宮學生向少科第浣浦謫官充教習丁巳觀補亭德

定圃先生李質穎諸敏皆聯捷館選一時稱盛

雍正己酉王子乙卯三科鄉試聘鄰省舉人同考浙江錢

湘人琦出福建舉人林瑞泉房丁巳入翰林乙丑同考林

於乙丑成進士出張太史映斗房錢於填榜時卽認張爲

太老師出闈牽所中會元蔣元益狀元錢維城等謁林同

年而稱太老師蔣與林又己酉同年一時傳爲佳話林歸

班終于蜀令

藤陰雜記卷二

吟梅居士

吏部藤花傳爲長洲吳文定寬手植王漁洋司寇夏日有事吏部坐藤花下呈趙玉峯王吳廬二少宰詩日斜人吏散雜坐古藤陰時有涼風至冷然開我襟周行聊寄蹟邱壑共論心尙憶延陵叟清微感至今注指吳文定公陳文簡元龍任侍郎時偕澤州相國同賦二律乙酉大拜京察

至部又賦詩已二十年

宋牧仲舉由蘇撫擢冢宰詠詩云長洲少宰令名垂手種

藤花世共知一片清陰連古榦三春喬木颺微颺儲才總

藤陰雜記

卷二

一

見當年盛好事堪爲我輩師未答恩暉兼述祖闈廳惆悵每移時周漁璜起渭和詩竹埤槐院古藤垂閱世蒼茫不

自知濃結繡幃遮曉日亂牽珠琲颺春颺尙書屢葉經行地大雅新音舉世師更上沙隄尋鳳閣紫薇花好似當時陳澤州和詩黃散功名畫省詩卅年心事故人知迴驚海內交遊少卻訝天涯聚散遲芳草長洲春去後落花高館夜深時藤陰舊是棲遲地風月今宵有夢思冢宰編藤陰倡和集

湯西厓少宰右會詩一年容易及花時待到花開看較遲

槐柳陰中春已老燕鶯聲外蝶先知綠雲片片將成幄紫

玉條條尙綴枝三百年來遺事盡風流留得在曹司又次
遂宵張冢宰韻詩繁英密葉自年年常在朱欄碧檻前

卷一
畫溪從新竹繞

覺畫溪兩岸多朱藤許渾詠
紫藤云家近江南罨畫溪

平泉潭共綠

蘿懸

李德裕有思平
泉潭上紫藤詩

龍蛇屈曲盤空上
罨珥豐茸壓架偏

豈敢對公終不飲

用包孝肅羣
牧司賞花事

惜花較似醉差賢

劉文定公

編

爲冢宰程文恭公

景伊

爲少宰何公

逢信

由

選郎外轉旋擢侍郎賦藤花詩倡和成帙選郎孟

超然
裝

成全冊文定詩云莎廳彖覈見繁枝壓架陰成覆廣墀移
榻相將重數典綠天吟徹放衙時絲楹雨過上岫颯夕照

低翻紅欲然案吏畫又先檢校擬芟秋莢計明年

莢多則
花易減

藤陰雜記

卷二

二

每以先
秋摘去

商寶意

盤

庚戌編修陳情乞外例得同知更調江南湖北

二十餘年不調作白鷗吟云茲禽綴我衣無由羈雲霧未
養羽毛豐甘遭塵土汙予秩旣難遷爾顏亦非故見月擬

開籠歸心向誰訴迨遷太守詩云得信如逢青鳥使遷官

不唱白鷗吟

庚熙辛丑新進士看駿馬墨麟

雜翰

人本矮小挺立不跪

提督隆科多呵之曰不料渺小丈夫風骨如許對曰區區
不跪尙未見雜翰風骨也後以給事轉建昌道忤總督直

揭部科被逮復官常鎮道而沒夙與盧

見會

同年詩名有

南馬北盧之目盧輓詩云前輩典型亡北斗中原旗鼓失南軍

韓春湖

朝衡

杭州人丙戌翰林改吏部嘗填曲述司官况

味窮形盡相一時傳誦其司嘲云謾道司曹地位清高文章收拾簿書勞上衙門走遭笑當年指望京官好到如今低心下氣空愁惱要解到個中辛苦耐人熬聽從頭說曉幾曾見傘扇旗羅紅黑帽叫名官從來不坐轎只一輛破車兒代腿跑賸有個跟班的夾墊馱包傍天明將驢套再休題遊翰苑三載清標只落得進司門一聲短道辦事費推敲手不停披目昏眊那案情律意多用心操還有藤陰雜記

卷二

三

滑經承弄筆蹊蹺與那疲貼寫行文顛倒細商量坐把精神耗纔得回堂說稿大人的聰明洞照中堂的度量容包單只爲一字寬嚴須計較小司官費盡周旋敢挫撓從今那復容高傲免不得改稿時顛頭簸惱說堂時垂手呵腰西苑路遙遙候堂官偏難奏巧東閣事更饒抄案件常防欠早受用些汗流浹背的秋陽照沙飛撲面的冬風暴那顧得股顛心搖腸枯舌燥百忙中錯誤真難保暗地裡隻眼先瞧敢只望乞面去推些臉臊那知到吃雷回唬得魂銷若是例難逃律不饒忙檢舉也半邊兒焦只怕因公呈誤幾降調幸得霹靂聲高雨點小趕辦過平安暫

報公堂事了拜客去西頭路須先到約債去東頭路須
親造急歸家柵閉溝開沿路遠淡飯兒纔一飽破被兒將
一覺奈有個枕邊人卻把家常道道只道非絮叨你清
俸無多用度饒房主的租銀促早家人的工錢怪少這一
隻空鍋兒等米淘那一座冷鑪兒待炭燒且莫管小兒索
食傍門號眼看着啞巴牲口無蘇草况明朝幾家分子典
當沒分毫空煩擾空煩擾五旬外頭顱老休嗟悼休嗟
悼千里外家山邈無支貌沒相巧怪不得辦事徒勞陞官
尙早回頭顧影空堪笑把平生壯氣半向近年銷這便
是那司官行樂圖兒信手描司慰云薄宦天涯首善京華
藤陰雜記

卷二

四

公餘隨伴散司衙任逍遙似咱便無多錢鈔供揮灑較似
他風塵俗吏殊高雅再休爲長安清况輒嗟呀且銜杯細
話干有多少宦海茫茫吁可怕那風波陡起天來大單聽
得轎兒前喝道喧譁可知那心兒裏歷亂如麻到頭來空
傾軋霎時間陞美缺錦上添花驀地裡被嚴叅山頭落馬
你我赴官衙坐道從容儘瀟灑只照常辦事便不爭差
可有急公文特地行查與那緊差使橫空派下所言公案
無多寡將依樣葫蘆便畫特題的才能俊雅推陞的器
識清華便只要頸上朝珠將就挂到其間科道挨班分定
咱何須一等誇京察但盼個學政兒三年稅駕試差兒一

榜通家 頻年俸漸加添置些綿衣布襪挨時米不差穀
養個車夫奶媽一任咱壺冰貯水消炎夏爐煤聚火煨殘
臘且落得釀酒栽花題詩品畫 客何來幾句閒談罷忙
捧上大葉清茶他待要決勝負一枰對下我還與叶宮商
絃管同抓不用果殼嘉器皿華野蔬菜便似山家儘射覆
藏鬪傾巨筭直到月落參橫更鼓打且莫去和衣共榻
回看家下滿壁的今和古書籤挂滿院的開和落花枝亞
笑相迎子婦牽衣閒戲耍奴婢兒多寬假雞犬兒無驚唬
但博得夜眠時一枕神清暇 雖則久別家把聖水孤山
夢想遐躋厥的香車寶馬趕廟的清歌雜耍纔看了殿春

滕陰雜記

卷二

五

風紅芍藥又開到傲秋霜黃菊花你便道茶園戲館太喧
譁試與我窰臺攬勝多幽雅况爭誇燕山入景風日倍清
華 眞休暇眞休暇暗移卻春和夏無牽挂無牽挂漸了
卻婚和嫁忘機詐絕虛假受盡老健年華清高聲價 太
平時節恩光大或京堂幾轉帽頂變山查這便是老司官
頭白爲郎儘足誇未幾由郎中擢惠潮道告歸

員外內用九階方得四品故有九轉丹成之號謂員外郎
中御史掌道給事中掌科鴻少光少通參也余惟越通參
八階遍歷整二十年方轉四品

趙恭毅公

申喬

狀貌奇古長戶部時人呼冷廟龍王見鮑

西岡亞谷叢書

王漁洋再入戶曹戲作休論顏駟與馮唐執戟重來鬢已
霜慙悔儒冠成底事卻從陛楯羨諸郎丙子官戶部侍郎

臘月為殷彥來書雍益集中絕句七十首查查浦嗣琛梅

雪坪庚陳香泉奕禧題跋謂新城不以書名有求者俱令

門生代書此冊於封印前書想見前賢風致曾於阮吾山

司寇家見之賈琳曾不日於裝畫香曰蘇文書

台州侯元經嘉縉才士也年五十以拔貢官縣丞解餉至

戶部筦庫吏需索不即予批侯方窘時梁文莊公為侍郎

見侯名曰夷門也顧司官謂某尙書祭文諸君謙讓不作

藤陰雜記 卷二 六

盍以屬之即傳至戶部後堂授筆札不移晷成駢體極莊

麗某司官復進曰此堂官祭文諸司曹尙需一首亦以相

屬侯磨墨濡筆復成四言韻文此何足盡夷門之才而一

時堂上下嘖嘖稱訝不已彼筦庫者已袖文書俟侯出而

付之明日遂行今之解餉受累者多矣有夷門之才則可

以解餉然賴文莊素知其人耳

康熙己未保舉鴻博朱竹垞謂皆擅著作才撰鶴徵錄未

成其時應考者一百三十三人未取名士如法若真丙戌

進士布政使趙進美前庚辰進士河北道田雯甲辰進士

郎中葉封己亥進士高層雲丙辰進士常博譚吉璵例監

同知許孫荃庚戌進士刑部郎中戴王綸乙未榜眼江西

糧道陸隴其庚戌進士革職知縣監生閻若璩李良岍進

士汪懋麟以丁憂未試保舉奏疏於吏科庫見之

乾隆丙辰考試鴻博一百九十三人年長萬經癸未翰林

年少袁枚廩監取入翰林十五人亦見館選錄不取而後

登顯仕者沈歸愚德潛王少司馬會汾裘大司空日修錢

少宗伯載葉庶子西楊學士述曾金總憲德瑛曹大宗伯

秀先以春榜已入翰林不與試全祖望撰公車徵士小錄

今惟袁隨園存

乾隆辛巳會試有中者不如不中用者不如不用之謠時

藤陰雜記 卷二 七

劉侍郎秉恬取入中正榜不數年總督四川孫補山先生

二甲第三文字入選未用壬午召試授中書不十年開府

雲南終大學士贈公爵若馮方伯應榴陸副憲錫熊郭侍

讀元濂皆未用以召試授官榜下選翰林者皆不之及

趙秋谷執信去官查他山慎行被議人皆知於國忌日同

觀洪昉思昇新填長生殿昉思顛蹶終身他山改名應舉

秋谷一蹶不振贈他山云與君南北馬牛風一笑同逃世

網中竹垞贈洪句梧桐夜雨詞淒絕惹苒明珠謗偶然是

也近於吏科見黃六鴻原奏尙有侍讀學士朱典侍講李

澄中臺灣知府翁世庸同寔洪寓而無查名不知何以牽

及又傳黃以知縣行取入都以詩稿土宜送趙答刺土宜拜登大槁壁謝因之挾嫌訐奏黃有福惠全書坊間盛行初仕者奉爲金針李字渭清已未鴻博與毛朱倡和世無知其被論何也

朱竹垞以帶僕充當供事出入內廷潘稼堂未以浮躁輕

率有玷講官爲掌院牛鈕叅劾原奏尙存

癸巳四庫館開以翰林纂輯不敷劉文正保進士邵晉涵

周永年裘文達舉進士余集舉人戴震王文莊舉舉人楊

昌霖時稱五徵君武康高文照未與斯選寄五君云丹絳

旁求石室書普天光氣吐蟬魚洽聞端賴終軍豹薄技空

藤陰雜記 卷二 八

慚黔地驢亡去篇增安世策載來學富惠施車諸公衮衮

蒲輪出一夜多空風雨廬屈指浮生幾甲寅孤身天地一

微塵魏收木榻經穿久劉勰雕龍自鬻頻正派百川歸學

海空山四壁有逋臣大官廚味宵多羨珍重青藜照讀人

高少工詩博學僅以拔貢中甲午舉人乙未客死京寓五

君俱改入翰林

蕭侍讀惟謙順治甲午中五名庚子主江西試吉水李尙

書振裕年甫十五閱卷決爲大器名列第五云以衣鉢傳

之

康熙乙丑會試王司農鴻緒爲總裁胞兄九齡爲同考若

兄弟同科典試分校康熙己未沈三曾 乾隆癸卯吳鏞

溥主政俊 雲南副主考弟中書樹萱 湖南副主考甲辰會

試同為分校官王子順天鄉試吳學士樹本 弟助教孝顯

同考甲寅順天鄉試何農部元煊 同弟水部道生 充同考

官

康熙癸未禮部右侍郎王瑣齡 轉左內閣學士王九齡 升

右侍郎乃胞弟也其三弟鴻緒 為工部尙書兄弟同時入

座後官俱一品

德定圃師官大宗伯五典會試繪春官桃李圖施小鐵朝

翰作記諸門生題詩

藤陰雜記

卷二

九

禮部侍郎開列知貢舉乾隆庚辰特點熊少司寇 學鵬

蔣太史士銓 有滿城桃李屬秋官之句今知貢舉開列六

部滿漢侍郎

欽點二員

禮部堂官不由科甲吳恭定紹詩 以諸生保舉歷巡撫晉

大宗伯葉存仁 以監生厯布政晉禮部侍郎李世傑

以吏員出身官至兵部尙書

平越王少司馬士俊 康熙辛丑翰林改祥符知縣時田文

鏡督豫素惡科目忽間出身王眉蹙口溢若為萬不得已

而對曰士俊不肖某科翰林也田以為刺已愈惡之將劾

其官王詳請免河南讎地稅冀見忤放歸布政楊文乾得

牒驚曰此何時尙有奇男子耶遲明田果摺劾楊爲緩留
楊卽巡撫廣東保薦同往以道府用權兩司未幾田卒卽
代其任旋佐兵部丙辰讀卷先期夢髯道士袖文來謁詰
巨閱金總憲卷奇其文列十卷內遂得大魁謁見時謂貌
同道士云田督豫時一疏劾科目牧令十餘員適李穆堂
制府綴過汴揖未畢卽厲聲曰明公身在封疆有心蹂躪
讀書人何也田不能堪劾李致麗入蔡斑案擬辟乾隆初
出獄佐戶部又以多保鴻博議降復起閣學告歸

已未朝考詩題因風想玉珂袁子才枚有聲疑來禁苑人

藤陰雜記

卷二

十

似隔天河一聯甘冢宰汝來閱卷嫌語不莊欲棄尹文端

力爭入選子才深感知遇有琴獻已成焦尾斷風高重轉
落花紅之句文端固是愛才亦見冢宰校文之慎

庶常館久不修葺吉士恆不進館乾隆丙戌王文莊公充
大教習奏請重修煥然一新

御賜芸館培英額裘文達公謂公曰願公世子孫俱進

是館公子朝梧果於辛丑入翰林

自己卯嚴磨勘之條順天停科四十餘人陝西斥革一人

廣西斥革一人時疵謬者固不乏人亦有倖免者有誣指

者壬午勘卷某摘一用社稷鎮公子卷應議裘文達充大

磨勘官心疑非杜撰歸第問公子麟對以句出國語客有

以出左傳對者立命取書以證果出左傳遂長跪而幾受

責時麟已官編修矣自是勘卷不敢妄加指摘庚寅顧天

駿驗五十外中舉題爲孟公綽節用國狗之瘦句爲大磨勘

指出停科安得有文達虛心查左傳而救之八

已卯磨勘官有宮太僕煥文閻侍御循琦朱侍御丕烈朱

侍御稭盡心細核指摘較多時有魔王之號朱侍御丕烈

以大磨勘覆核未公劾奏尤見丰采庚辰考差列三等竟

副江南主考於時楊給事方立有廢謄錄之奏揚方伯聘

有收經文爲經解之奏章疏紛紛議覆殆無虛日遂酌改

藤陰雜記

卷二

罰停三科一科條例減主考房官處分至今遵守儀部向

號開曹至是繁劇甲六部時耶中爲鄭前村先生行與先

大夫主稿故得其詳

己卯任邱邊氏中六人解元方晉第四嚮禧文實勝元乃

以後場犯諱罰三科又以經文語疵罰二科久館南皮張

氏壬辰例准會試辛卯遽歿未得一踏禮闈門人張景暹

著秋坪新語稱其無書不讀文人無命一至於斯大

庚辰鄉試鄭前村儀部行蔡蘭圃以臺同校禮記房多行

學一時有四皓之目謂顧奕松馬曾趙光照陳彭齡年

皆六十上下馬乙卯拔貢辛酉副榜至是聯捷入翰林改

吏部守思南歸卒篤實可親敬師尤切顧丙辰副榜僅官
學博陳亦終靖江司訓

南北人卷不通看前惟辛酉科行之自戊子以後仍不通

看是以庚寅科惟李殿圖劉經傳二人看南卷丙午科惟

初彭齡湯衡看南卷一房幾二十人所謂盡東南之美

也南北皿副榜向無定額佳卷約中十餘人戊子以後何

侍御日珮條奏照正榜五名中一之例南北皿各中七人

李石渠殿圖常夢人語遇亨而通不解所謂乙酉出劉侍

讀亨地房丙戌出盧學士文昭薦中掇入紀太僕復亨房

而夢乃驗遂由翰林科道廉訪閩中

藤陰雜記

卷二

三

進士見於王制入詩始於唐徐凝答施先輩詩料得仙官

列仙署如君進士出身稀元歐陽原功京城雜詠行到瓊

林春更好新來進士唱名聲舉人入詩白香山乞錢羈客

面落第舉人心歲貢入詩孟浩然孝廉因歲貢懷橘向秦

門秀才入詩李太白送杜秀才秀才何翩翩諸生入詩高

適諸生曰萬盈四十乃知名

吳白華司空省飲久困鄉闈丙子被貼飲長干酒樓詩歸

燕吟成近十霜吳巖重踏大功坊故侯寥落遺民老忍見

西風字數行大功坊被貼處丁丑召試授中書感遇詩再四蹉跎

榜未填蹇人豈分清天科因制舉尊鴻博典爲游巡子

量銓迨癸未入詞館戊子秉文衡及今已三十年凡典鄉試七次會試同考三總裁一學政五在弟省蘭以舉人學

正甲午充同考戊戌賜進士以編修充丙午浙江正主考

大考第一侍講擢正詹事

錢少宗伯載雍正壬子中副榜時金檜門總憲客禾訂交

丙辰大魁宗伯屢試不售曰者謂逢申方中年四十五壬

申果聯捷出哇朝棟門哇乃總憲辛酉江南所得士也於

是執小門生禮維謹自是典文衡陟卿貳七十歸田八十

七方卒韋約軒中丞謙恆二十拔貢名噪詞場四十四癸

未及第不十年開府黔中嗣三入詞館再領成均官上瀉

藤陰雜記

卷二

三

臚七十七卒

癸未一榜英才濟濟擬鼎甲者初未知秦大成名也呼名

時秦貌本寢繭袍纓帽幾於一軍皆驚寓衣肆中無第可

歸繼而訂交接其言論篤實可欽性至孝隨乞養待母越

十五年補官年將六十僅一分房假歸旋卒先是會榜第

三本定張書勳以論誤斥去於落卷中搜秦卷補之占大

魁張隨中丙戌狀元皆科名佳話因誌之

刑部福建司有甘露軒以配四川司白雲樓皆王李當年

賦詩地查查浦嗣琛詩甘露飛來綴柏枝白雲樓下坐談

詩時平刑措原無事閒煞西曹是鳳池

漁洋香祖筆記十月初九日夜雨雪竟夜積素滿庭晚菊
尙敷腴可玩晨起忍寒坐信古堂對雪看菊忽梁溪琴僧
岳蓮見過彈平沙落雁漢宮秋二曲古音蕭寥忘其身在
長安官是秋曹之長也賦詩記事時爲康熙四十一年壬
午想見承平刑措氣象

阮司寇吾山

葵生

齋宿四川司詩宿齋西署暮煙稠簾卷

西風慄徹裘涼夜獨尋黃葉徑遺踪待訪白雲樓虛堂儼
對秦臺月雪案清於蜀道秋笑與諸君若相避夜來明去
未勾留又雨中進署云駑蹄欵段蹶洪流十八曹司水際
浮縱轡登堂還沒膝躡鞭入屋自低頭層層素几排虹影

藤陰雜記

卷二

古

面面紅窗化蜃樓波浸法堂占吉兆幾人快馬似龍游白雲
亭排几案作橋亭中水深尺餘惟牧雪堂最高水僅及階
都諺以沙擁翰林院水淹三法司爲吉兆時一等赴灤引
見少司寇時爲司員旋改御史通參兼部一日楊主事護

見而愕然曰公旬日必得本部堂官時尙無缺果有海昇

殺妻一案杜少司寇

玉林

獲譴初放王郎中

士葵

亦以先

檢應譴遂擢吾山又西曹判筆詩狼籍雲司墨與朱朝朝
依樣畫葫蘆三錢價本輕寒荻一字鋒能奪湛盧幾度停
毫防出入可憐落紙判生枯淋漓敢快如刀筆湘管何時
淚始無仁人之言可作西曹箴銘

藤陰雜記卷三

工部藤花未及吏部著名而植根亦久康熙己亥陳文簡元龍以粵撫晉長冬官到署見花盛放賦詩云不知移植自何年蔓曲根蟠百丈牽曾向銓曹嗟樹老又來水部遇花緣當階吏散留佳蔭亭午風清動紫煙莫道官寮無韻事公餘欹枕亦翛然

翁大司空

叔元

常熟諸生被黜昌籍丞平在京與蘇苞九

翔鳳

夜行執火熱兩手謂蘇曰朝廷若掛窮民榜天下無

如我二人後中丙辰探花厯官工部尙書蘇壬戌進士終

藤陰雜記

卷三

於一令

陳澤州午亭集冬官署中南亭張敦復英所葺茲予再至

承乏公後而敦復權領翰林齋居有懷詩云乾坤蕩漾兩

浮萍歲月樊籠意渺冥再到冬曹新燕壘百年喬木舊槐

庭吟成白雪人難和夢續黃梁客半醒惆悵玉堂明月夜

柯亭劉井幾回經按今工部廳事植藤亦曰藤花廳旁有

齋戒房節慎庫旁有捧日亭相傳爲嚴世蕃書今削其名

南亭疑卽藤花廳而人罕知故記之

裘大司空

曰修父君弼

以建德令行取入都夫人禱於燕

子機水神生公治河敏幹位至司空歿後夢示家人仍歸

神位袁簡齋 杖與公己未同年過而弔以詩云燕子磯邊泊黃公墟下過江神如識我應送好風多

都察院題名記始於陳文勤公世信丁巳官副憲時記畧

云少讀司馬文正諫院題名記輒凜然于報稱之難家世

總臺職一人副者三人世信以檇散復廁其後謹以父及

伯叔兄及己名別勒石于壁以誌隆遇云

按公父詵伯鼓永叔論兄世倅文學子德邁新安呂北琳子履恆謙恆

父子御史鄞縣胡從典子懋錢塘張潛子霽歸安

長興錢珏子兆沆陽城田從典子懋錢塘張潛子霽歸安

沈世楓子威熙固始吳士功子玉綸歸安章有大子寶傳

藤陰雜記 卷三 二

安邑葛德潤子鳴陽臨桂朱若東子依魯桐鄉馮浩子應

榴通州劉折子錫嘏汾陽曹學閔子錫齡綏德張臻子秉

兄弟御史漢陽江芑商邱陳履平夏邑李敏第行獻縣戈壽

大庾戴第元常熟張敦均培無錫馮培

祖孫御史南昌熊一蕭孫學鵬豐潤鄭恂孫徵蒙自尹泰

孫壯圖雍正乙巳先祖諱永椿任御史越六十年璩由湖

廣道轉科

父子科道餘杭嚴沆子會定州郝浴子林虞城耿惇子

大烈文水鄭崑子廷楫兄弟科道太倉錢三錫餘姚袁

懋祖孫給事海甯楊

雍正孫存理

乾隆二年翰詹科道輪進經史十四年御史金

和

以翰詹

人多科道人少奏請分班進呈隨以無裨實政停止近人

文集中有進經史卽此

行取科道久已停止行取部曹乾隆十五年永行停止

九卿科道驗看月官向例全集因到班寥寥壬申奉旨特

派九卿四五員御史張

聲

奏科道亦請

欽派部議派掌科道各四員著爲例而臺規未載

乾隆十八年定給事中正五品御史從五品俱不試俸各

省道員俱正四品刪去叅政等虛銜

藤陰雜記

卷三

三

諸城劉文正公乾隆六年甫任總憲卽以桐城張姚二姓
官多奏請裁抑尙書納親管理事務太多任事多銳一時

風采凜然納親果於金川償事桐城未久去位

御史蔣

元益

乾隆十八年八月劾奏總河高斌顧琮老疾

奉旨嚴行申飭九月卽有漫工河庫虧空大案蔣卽視山

西學政六年

御史歐

堪善

陞太僕少卿視學貴州突西選拔因將原卷

另謄被巡撫

定長

叅奏降調近日貢卷多有另謄解部者

豈不知此例耶

乾隆七年因言路不得其人令內外大臣保舉如馬周陽

城布衣而爲御史者共六十人擢御史者僅胡寶瑒吳龍
見葛德潤章有大丁廷讓孫灝六員本係應保御史者其
他外吏未仕者不用後躋大位者英廉大拜吳達善愛必
達總督俱在選中若三泰滿色所保之人平常被御史吳
燁糾叅扣除於是李清芳陳大玠有請通行考選之奏部
議准行至今不廢

香山魏忠賢墳康熙中御史張璣奏請剷平王振祠尙在
智化寺乾隆七年御史沈廷芳奏毀之百年來無人奏及
亦不可解

乾隆十二年瀛臺侍宴某侍郎向傅文忠屈膝請安爲御

藤陰雜記

卷三

四

史萬年茂糾叅并援某某爲證侍郎力辨其誣萬卽罷歸
里居四十年萬本王子解元重赴鹿鳴年八十五丙辰尙
存不及來京與宴

明重御史巡方權傾督撫統轄文武士人釋褐卽得人艷
稱之昔有一富人二壻一爲守備一尙秀才富翁輕生重
備後備歷副將生成進士以御史巡方閱兵副將披執郊
迎報名入謁五更稟請開操生於枕上賦一絕云黃草坡
前萬甲兵碧紗帳裏一書生而今始信文章貴卧聽元戎
報五更康熙初停止雍正初直隸三府設一巡察二年報
滿臺灣巡察如之今惟滿科道巡察東三省聞猶是巡方

體制

都察院稱柏臺固無柏也傳巖溪

爲記

任副憲時植柏于

堂前賦五言古詩俾科道和韻今漸成蔭而未見添種不
及隔牆太常寺槐陰之茂

御史院題名碑日久漫滅黃侍御玉圃

叔瓊

刻爲一書乾

隆初王給練

應綵

偕許農部

道基

探討續增嗣後歲有增

添余輯給諫題名時隨手檢閱章奏康熙以前尙漏十餘
人年分有前後倒置者悉爲更正惟望後之君子於續輯
時詳加考訂而已

給事中向無題名各科惟懸近年一二匾久則另換日久

藤陰雜記

卷三

五

無徵余自甲辰轉禮科欲編輯而無從繼掌吏垣查庫見
國初以來凡內陞外轉章疏詳載履歷到任年月喜極欲
狂因得據以編錄顧冊籍難攜每於候本齋宿之頃手不
停披編成一冊幾欲與題名碑錄館選錄御史題名文武
摺紳並爲京師必有之書繼見明人蕭彥有掖垣人鑑載
至萬厯而止意欲續編因徧尋本朝詩文集甄錄事迹未
知能成書否也

欽定臺規乾隆初告竣其時未分十二道迄今五十餘年
更定典禮若干亟應續纂而未有議及者不若六部卿寺
頻見有纂修則例之舉向日御史到任京畿道吏送臺規

一冊內載儀注甚詳此歷久不廢者近聞久不呈送并儀羊而去之

余初入臺僅見陳寶所前輩鴻寶稱總憲副憲爲某堂翁

諸後輩爲某道長陝西道坐次自西南而東北復折西而北不敢紊次新來偶誤者沈華坪前輩琳見卽呵之

王漁洋謂諫官稱魏環極象樞楊以齋雍建李琳枝森先

楊魏奏疏俱見本集李巡按汪左有聲再劾馮銓頗見風力素豪於飲家有園名椒雨蓋酒之辛者山東掖縣人前

庚辰進士言事流尙陽堡赦回今陝西道懸所書鐵面冰心額筆法道古百廿餘年墨潑猶新御史臺有十人到任

藤陰雜記 卷三 六

則題名陝西道顏以四字如肅振臺綱邦之司直之類若不能容則將前匾棄去立碑於京畿道余庚子入臺尙見

有三三匾題字者後悉刮去以三十人并立一匾改勒石於陝西道壁俾後至者爭識其名管松崖前輩幹貞時掌

京畿道侍史國華書而自爲之跋

考選御史與鄉會試例認同年余於己亥與選同記名者十九人每歲春朝會于阮吾山司寇葵生瓶花書屋時蕭

玉亭際部郎耕莘若伊已逝若馮星實應榴史卓峯夢琦

陳琬同其焜楊培山壽楠秦荻江清王卜崖鍾健王瑤峯

爾烈李曉南昭鄭秋浦黈朱篠庭依魯潘容齋會起沈大

雲孫璉陳銖卿蘭森程徵江世清馮半梅靖皆同選也恐

久而遺忘故志之

吏科官戶科飯兵科紙工科炭刑科皂隸禮科看今刑科
並無動刑皂隸六科俱有官廚掌印嚴正備飯卽佳不必
戶科飯巡城口號中城珠玉錦繡東城布帛菽粟南城禽
魚花鳥西城牛羊柴炭北城衣冠盜賊

曹秋岳溶自四譯館遷左納言詩入奉金輿麗環看彩纛

秋皇讒難追責獻可實懷憂砥礪資賢友明良感昔游定
知歸馬詔先下海南州

曹秋岳溶遷太僕卿詩日抱無聞恐蒼蒼四十餘臺烏稀

藤陰雜記

卷三

七

舊侶廐馬閱新除冷態飄霜柿閒身伴壁魚周官嚴誓御
此制近何如

太常仙蝶翅長毛茸通靈解人語呼爲老道戊申冬德少

宗伯明捧貯盒內進呈

御賜詩云蠕動螿之時來賓果是奇異夫羣物體觀此一
仙姿薌久太常號神超大造司欣茲百年遇用誌五言詩
勒碑大堂時座師德定圃宗伯總理寺務賦七言古詩亦
勒於壁先有塞爾赫詩萬里羅浮天一涯奉常清暑夢中
家誰教片影隨風絮不戀濃香宿露花栩栩居然能解語
悠悠信可共餐霞冰霜尙有寒梅約未入離騷莫怨嗟寒

字曉亭宗室有詩名官侍郎

寅清堂萬厯中董

文敏

爲寺卿所改書用李北海法甚工

見春明夢餘錄今寅清堂額係乾隆乙未重修非香光之舊矣

高念東侍郎

珩

有太常樂詩長安百職趨路遠說向閑入

皆不宜惟有館卿云最樂官身惟問私家著其次屈指則太常碧樹清風秋滿廊數日文書一二紙不過牲牲榛栗耳巡簷閑步據牀眠葉聲撼撼催鳴蟬病叟荷鋤往菜圃青蟲化蝶迎風舞萬物自得怡我情何止芳草當窗生此署終身無不可誰云曼倩羨公卿會議會推揮汗雨寄謝

藤陰雜記

卷三

八

諸君良勞苦

時以吏部侍郎降

曹秋岳

溶

宿壇詩靜闕神穹紫翠遙一天星斗照虛寥蒼

松萬歲颺颺伏白玉千門海岳朝藻火齋宮迴複道鼓鐘

冬祀肅重宵講求漸洽升中禮日日祠官按鳳簫

時由大僕遷奉

常

龔介菴

魚育

起家掾吏由江南布政內擢太常卿與趙恆

夫給諫

吉士

同修賦役全書語同事云趙農部每與予談

不諱吏員二字吾甚感其重我若加意周旋反成輕佻見

寄園寄所寄太常任通永僉事竹垞館焉原非俗吏

大祀福酒光祿寺堂官驗嘗敬貯龍瓶名曰灌酒然後護

以龍祿擡赴祭所灌後有餘許攜以歸亦受福之遺意也
酒味甘色黑小戶尤宜良醞三升至今猶戀

毛西河詩話御酒坊後牆有街曰長連又一街曰短連總
曰廊下家長隨答應多住此賣酒京師稱廊下內酒家故
查嗣粟詩長連遙接短連牆紫禁滄洲列兩廂催取四時

花釀酒七層吹過竹風香其時或尙存數竿耳光祿寺因
張元易種竹署中黎惟敬題紫禁滄洲額今匾去而竹亦

七

李穆堂侍郎絨降光祿卿履任之日查閱冊籍復至實錄

館諸公問今日何事穆堂歷舉筵宴器物制度無遺蓋一

藤陰雜記

卷三

九

過目輒能記至老不改

光祿寺向無題名吳白華司空爲卿時查得近年卿員書
版作記考寺爲英親王故邸規模宏敞今半空閒余又詳
考國初以來著錄惜不能全若得赴閣科核冊則無遺漏
矣

光祿四署丞入缺例用滿洲歸班舉人七八年升六部主
事或中允贊善計中舉後得官已二十餘年昔有旗員嘲
唱贊易於得官之驟有十年窗下苦不比一聲嚶之謔蓋
太常鴻臚等官由八旗生監兵丁挑補得卽授六品頂帶
且掛朝珠云

漁洋池北偶談祭酒不三年輒升丁祭無過四者高念東侍郎爲祭酒久不遷洪文襄戲之曰高先生可謂五丁開山矣高對曰無妨六丁六甲果三年始升予在成均四年升少詹口占寄高云佳話會聞役六丁任教人笑鈍司成六丁今日還加二始信前賢畏後生然此官清簡恬靜南史邱靈鞠有言人居官願數遷使我終爲祭酒不恨也近年惟陸大司馬宗楷官祭酒幾二十年未主文衡年逾七十超擢侍郎主丙戌會試戊子鄉試遂長兵部未幾休致近見法大司成所輯司成題名久任無如公者

查他山慎行

於康熙甲子肄業成均至癸未釋褐年五十

藤陰雜記

卷三

十

四記事詩曾陪鼓篋三千士重到橋門二十年進士釋褐謁聖後卽至彝倫堂謁司成高坐受禮相傳動必有咎余於己卯肄業癸未釋褐約諸同年齊到行禮近日除鼎甲三人外到者甚少幾視具文

乾隆辛未古檜重榮癸卯肇建辟雍庚戌

御製重排石鼓文與舊存十鼓並列戟門并勒張照詩於

石

頒賜羣臣駱以鴻臚少卿亦得恭領壬子

命將蔣衡所進十三經勒石彝倫堂

進士題名碑每科工部題請銀一百兩建立在戟門外松

樹間易剝蝕賴題名碑錄板在翰林院足資考證

國子監學正向係九卿保舉因有保大臣子弟者御史陳大化奏請考試今改爲會試錄取己丑壬辰兩科與中書

進士認同年名中正榜甲辰榜下用進士三人乙卯丙辰進士錄用更多六堂向無前後輩之稱近亦照翰閣科道之例識拜前輩

田山薑斐以未入翰林爲憾弟需館選後寄以詩云此事

亦尋常於我獨無分就試中書第五入署視事遭同年翰林某侮辱嘗歎云北門草制始自乾符內翰宣麻號稱供奉笑彼紛紛乳臭標勝氣於眉稜亦且截截諷言誇清班

藤陰雜記

卷三

七

於頰舌又詩云休言京兆除書近搖落于今已六年己未試博學宏詞時官工部郎中首先交卷復被黜題溫飛卿詩後云一代才名乾牒子八父吟手亦徒然不教詞賦陪雕輦空讀南華第二篇不十年官大鴻臚巡撫江南晉戶部侍郎需終於翰林亦未有集

本朝名人詩無不有題禹鴻臚畫者其人唱贊序班耳名之鼎宇尙基揚州人一藝成名其信然歟今序班專用直隸生員他省無之

貳卿皆旁坐獨通政司六堂俱正坐相傳起於趙文華任奈議時鴻臚正少俱正坐未知何據鴻臚祀土地磔頭蟒

玉似三公服色未識何神記以俟考

京官向乘肩輿杜紫綸詔始乘驢車嗣後漸有騾車余已
卯入都見京官騾車多而驢車少然幃幔樸素且少開旁
門者今則無不旁門而有幃漸少錢籜石少宗伯不能走
旁門亦不可解阮吾山司寇官中書坐做車人有十景之
嘲謂一騎嘶風三窗印月做蓋斜陽斷轅殘雪打頭秋霆
拂面春風也吾山自詠云布帷飄瞥短轅顛紫鳳天吳百
結懸三面轉移迎旭日四窗空濶見青天看山倚檻東西
顧唾玉隨風左右便伸足橫肱吟十景朝朝驅出暮驅旋
京堂詹翰兩衙門齊脫貂裘狔狢獠昨夜五更寒徹骨舉
詹科道仍准服貂不知何年復舊

藤陰雜記

卷三

七

朝誰不怨葵尊漁洋戲作時康熙乙亥任葵尊宏嘉奏三
品以下禁服貂裘狔狢獠也一時服壓韻之穩趙恆夫吉

士元夕詩憶賜瓊筵分次第蟬貂炫服敢紛綸今京堂翰
詹科道仍准服貂不知何年復舊

孫文靖士毅杭之臨平鎮人家世業賈德清蔡明經粹容

克巖

在鎮授徒賞異之強其父令從受業四十中已卯舉

人庚辰下第尙未知名辛巳二甲三名不用歸應壬午召

試方擢第一授中書不十年開府滇南補入翰林位兼將
相卒年八十先以征安南封公削去破仍贈公孫襲伯爵

浙江科目膺五等之封公一人而已

戊戌會試于文襄王韓城總裁狀元且是師生同考秦
成陳初哲黃軒金榜四狀元是時京師狀元無不入場是

科狀元戴衢亨即出金房皆盛事也

吾湖明初科名不振成化時建萬魁塔於碧浪湖自是二

百年無脫會榜乾隆丁未塔圯已酉脫科郡人修復庚戌

張師誠癸丑葉紹奎蔡之定入翰林乙卯王以錫會元第

二王以銜狀元同胞元魁聯名從來未有丙辰會元袁魁

亦湖人

金華府順治丙戌朱之錫館選後一百五十年無繼者嘉

慶丙辰浦江戴殿泗傳臚館選蘭溪嚴殿傳武殿試傳臚

蔘陰雜記

卷三

同科同府名俱殿字亦巧合矣

金華府順治丙戌朱之錫館選後一百五十年無繼者嘉

亦湖人

二王以銜狀元同胞元魁聯名從來未有丙辰會元袁魁

戴殿泗傳臚館選蘭溪嚴殿傳武殿試傳臚

日甲無錫會榜乾隆丁未塔圯已酉脫科郡人修復庚戌

張師誠癸丑葉紹奎蔡之定入翰林乙卯王以錫會元第

秋米以錫館選後一百五十年無繼者嘉

慶丙辰浦江戴殿泗傳臚館選蘭溪嚴殿傳武殿試傳臚

同科同府名俱殿字亦巧合矣

吟梅居士

乾隆甲子

駕幸貢院賦詩詞臣恭和進冊獨副榜張

鳳孫

詩推擅場

詩云玉堂遙接聚奎堂雉扇輕籠寶鼎香鹵簿兩行傳警

蹕韶音一片叶歸昌龍門真得風雲氣髦士親瞻日月光

千百年來成創舉右文雅化軼前王珠聯寶額昨新頒五

色雲飛畫棟間豈止文場添壯觀欲求上理闢賢關冰壺

誰掌宜虛已大冶無私肯鑄頑敬繹絲綸齊感激姓名何

必列孫山清時未分守蓬蒿貧賤心期逐歲高朋輩幾人

藤陰雜記

卷四

紆紫綬風塵猶自戀青袍兩叨乙榜

壬子甲子

甯論屈十踏秋

闈敢憚勞放眼天池何浩蕩投竿終擬釣連鰲席帽頻看

上苑春傭書未負不才身蓼蟲天性能茹苦蟹白生涯合

受辛自小文詞羞剝襲於今功令尙清真短檠獨對重搔

首恐負朝廷養士仁時館閣詩冊求捉刀者塞戶終不得

第効力河工歷任觀察

貢院聚奎堂有明侍郎王圖石刻詩主試多次其韻劉文

定公庚辰主試詩廿二年來才思鈍

戊午分校及今已廿二年

恐教塗

抹負婆心已丑主會試詩五度當場甯見慣要知熟處倍

矜心又撤棘詩納卷連箱老屋深人依奎井德星臨囊中

璞剖矜崑圃纒下桐焦借鄧林賤落風簾眷已盡榜填月
戶夜將沈籤排副墨傳梨棗不是爭名是證心名經高座
倚檐深節屆清和浴佛臨絳蠟押書明似晝白袍催放擁
如林隍中蕉覆元非幻時封遺卷備選
中書學正學錄浦裏珠遺詎久沈
奇語舍人兼博士擬分餘燄慰灰心公衡鑒公明憐才尤
切已丑壬辰得人尤盛會元徐辰東孫辰東並有國士無雙
之目兩科中正榜亦號得人

壬午鄉試趙歐北編修翼分校作秋闈雜詠詩一時傳誦
錄其最警策者如宣名云觚稜淑景日初寅

御紙簽名下紫宸同輩半爲揚觶客至親翻有向隅人一

藤陰雜記

卷四

二

時朝服班行肅隔夜巾箱檢點頻卻笑門前迴避字主人
出後貼偏新赴闈云衣冠一隊出朝來銜尾雕輪輾轆催
故友相逢休問訊諸生傍晚或低徊登瀛數恰符仙侶觀
象臺應聚斗魁太息十年辛苦地敢期珊瑚入羅才封門
云關鎖中分棘院森外簾信息總沈沈官封恰似泥丸固
人望居然入海深選佛場清塵自隔聚星堂迴路難尋由
來令甲嚴防禁如木臣心久自箴佔房云祇窗鄰並似僧
寮三面分排判蕊茅幽谷新鶯頻繞樹畫堂舊燕早投巢
舊會分校者多佔正房
新進不知則兩廂矣宵來說鬼常盈座曉起聞雞爲近
庖斗室敢嫌湫隘甚風簷猶憶號簾敲聘禮牌云齋期停

宴鹿鳴筵白鏹仍頒錦盒鮮鎔處金分三品貢鑄來字異
五銖錢質精應識披沙苦禮重真同納采虔卻笑儒珍常
待聘今朝何以答求賢供給單云食品開明二等殊仍防
中飽落廚夫漫疑乞米書成帖不比充饑餅在圖日有隻
雞公膳半夜無斗酒客談孤歌魚詎敢彈長鈇苜蓿儒餐
分已逾食單無鄉廚云不諳烹飪強司廚每一房頭撥一
夫聊可燔柴當老婦偏工媚寵詔人奴奉奴僕甚謹饑腸
定有羊蹄踏做袴誰憐犢鼻污乞得爨餘頻護視出闈一
飽共妻孥刻匠云梨棗先期妙選材風斤月斧一時來官
差獨應詩文役儒術偏資刀筆才詎以刃游矜絕技所期

藤陰雜記

卷四

三

紙貴賣名魁關心更有同門卷預向經房訂幾回分經云
不多數子領羣流餘輩經堂各採籌多士未遑談虎觀考
官恰似畫鴻溝逢來未必專門業分後偏防易地謀信有
科場如射覆量才人亦聽拈鬪擬策云策題分擬戒搜羅
不比賢良古制科腹笥愁渠真太少記珠笑我亦無多略
鈇免冊留方便暗度鴛針教揣摩莫笑巽巖編摭拾果誰
成誦口如河巽巖編卽策括也見文獻通考刷題云劄劄纔完促刷題以
視板足踏之使錯疑響榻印層綈煙雲頓滿非濡墨刷印
平譚之跳題文字何災卻汚泥消息怕傳通信鳥限期頻聽報更雞
刷時關防甚嚴五鼓卽發外簾散題還愁漫漶文難別監刻輪番仔細稽選

韻云令甲初添試帖新主司選擇爲臚陳華嚴字母刪奇
險韶獲詩林取雅馴又手揮成知幾輩吟髭撚斷定多人
最先一字休忘卻官韻當頭耀炳麟限得某字例
刻在第一薦條云

三寸冰銜鏤刻工卷端鈐與薦書同品題未便無雙士遇
合先成得半功佛海漸登超渡筏神山猶怕引回風笑論

此卽量才尺大抵抽長在短中文几云東西棐几兩排連
序坐居然十八仙旁列如參尊宿座經闈剛半主司筵主司

方桌同
考半桌

席間地豈睽函丈

每桌皆接
連不隔

案上文常擁累干詞

館向論先後輩如何位次按經編卷箱云曹倉鄴架漫相
同無限精靈闕此中敗卷堆成團扇篋佳文貯卽碧紗籠

藤陰雜記

卷四

四

封鈴怕有冤啼鬼扁鑄如防氣吐虹在笥衣裳誰佔取卻
須破壁去飛空紅燭云五色迷離晚退堂例燃紅蠟照昏
黃文星已炳增熒爚官體聊存取吉祥恰映朱衣人現影
不容硃卷字分光傍晚不
閱卷別憐矮屋蠅頭字剔盡寒花夜

未央藍筆云中書不判五花工凝碧池頭染翠融欣賞情
同青眼客別裁權亞黑頭公淡痕豈向眉添黛濃抹何須
帛勒紅卻笑出藍凡幾輩異時若個最葱蔥落卷云幾陣
雲煙過眼輕案頭堆疊太縱橫落花退筆全無豔食葉春
蠶尙有聲續命縷殘誰起死返魂香到或更生閻投未必
皆珠顆無限人間嘆不平副卷云去取眞看雞肋如棄之

可惜味無餘戰場旗色標偏將馳道椎聲中副車文采原
輪全豹變姓名休笑續貂書側生荔子香雖減猶勝西風
落葉疎撥房云中額難均數迴懸按房哀益主司權未妨
螺贏艱生子笑比琵琶別過船紅藥贈行應割愛錦窠托
宿亦成緣莫慚掠美如醯乞磨勘嚴條藉獨肩既撥房後如磨勘干
吏議則所撥之房 勘卷云校勘深防吏議持闈中先自細
任之原薦者不與 求疵世情肯爲微瑕掩宦况愁停薄俸支入穀仍憐危繩
落干霄或厄閏年遲頭場已中後場 始知完璧真難得看

取縱橫抹筆垂闈墨云十八經房各數篇篇端未有姓名
鐫人間可許千秋鏡此地居然萬選錢紙價明朝增幾倍

藤陰雜記

卷四

五

魁星一輩又諸天卻愁衆口吹求甚斤削先加鏤刻前草
榜云編排紅號據文評一榜翻疑以字行恰似風檐纔起
草尙遲澹墨爲書名異時雁塔依先後明日龍頭可老成

填榜前一日

穎脫諸生應得兆家家乾鵲樹頭鳴諭帖云匝月

嚴局絕寸箋忽揮僮約出闈傳定知書到堪金抵卻命車

來以賄遷

供給所餘皆載以歸

露簡不封書半草冰銜自寫筆如椽

還同路引經關隘點驗層層始放前填名云堂吏聲高唱

拆封闈防加密鎖闈重掀髯劇喜名流出防口深愁熟客

逢星斗光連千炬火魚龍氣動五更鐘榮觀最是填魁候

六幕文昌景倍濃拜榜云淋漓墨瀦徧填名肅穆朝衫告

禮成所願人皆爲國士豈嫌師轉拜門生滿堂燈火榮光
照一路笙簫雅樂迎卻顧東方已辨色卿雲亂縵日晶明
謝恩云朝房冠佩雁行排放榜明朝詣闕皆報國文章聊
可藉儒官職役此爲佳求師已有襴衫客逢友多稱玉笋
儕稍遜皇華人復命親承天語叩瑤階赴宴云退朝車騎
又喧闐京兆堂高綵繡懸鳳盡來新貢士餼羊猶見古
興賢堂餐味出官廚饌廳壁圖開禮宴筵土司及執事官皆與宴堂上懸
圖此地恩榮慚最荷去年騶從滿庭前門包云紅氍名帖
認師生執贄儀文章草成脩脯自行原有例錙銖必較太
無情士如畫餅甯供啖我亦荒莊敢取盈莫以淺淺薄羔

藤陰雜記

卷四

六

雁窮經人本少金籬房卷云校官各自有房元試牘從排
似弟昆十數名分新雁塔一家人集小龍門合編恰比聯
珠宿湖緒原非異蘭盆師說誰堪傳枕膝十年詩法要相
論時蔣茗生土銓亦與分校賦滿江紅詞藍筆云毛穎先
生新除授蔚藍天使青眼內生平不識楊朱墨氏羣壁間
題應滅迹綠天徧寫難尋字草新詩待借碧紗籠添螺子
黛眉恨何關爾青衫淚多由此判升沈一句辛苦三年
悲喜疏密圈來方入殼縱橫抹去非知己比盧公老臉坐
中書操生死薦條云判姓分衙縱五寸六分寬窄雕鏤出
一行細字堪陪玉尺左右分陳監試案收藏不到司衙席

認經房卷面印分明存稽覈 天人界鴻溝畫雲霄路函
關隔發軍符好風吹送幾行飛翮半喜猶爭文字命終身
已注師生籍抱遺珠借慰老儒心嗟何益落卷云經笥便
便知不等巾箱儲蘊歎燕石豐年難售匱中重韞趙括殘
兵同一泣田橫義士都相徇待求他藥籠貯黃腸偏逢閏
冬烘冊陳年券魚豕字尖叉韻向此中沈淪苦海地天
俱悶躍冶豈無干莫寶藏鋒偶作鉛刀鈍祝他年拔宅共
飛昇休長困

汪厚石有考具十詠五律題目甚新如錫水壺云有底復
有整反蓋卽承盤反其蓋卽插燭一器材兼擅多勢質故安水疑

藤陰雜記

卷四

七

清淚滴蠟易短檠殘妙製惟鎔錫壺天幾許寬餘僅切題
蔣茗生與紀宗伯駒葉少詹觀國汪給諫存寬張給諫霽

及余師秦西埤先生壬午分校皆丁卯同年初入夜賦詩
末句云十六年前今夜漏六人五處臥風檐紀汪同順天榜

觀象臺在城東南隅癸卯監試外場於重九前偕琳侍御
宵登高通州城市可接之眉曉間薄暮歸寓因次日放榜
未得成詠侍御今盛京將軍

泡子河呂仙祠祈夢頗靈姜西溟鄉會試寓祠及第後詩
云煙埋塵鎖呂公堂丹竈長封棘院旁九轉大還唐進士
六旬重上漢賢良如今已悟榮名幻到老空拋歲月忙瓢

笠願尋五岳者不知何處遇雲房

西城帥府衙衙爲西林鄂文端公第海內名士多出其門

尤賞吾鄉姚貞菴汝金保舉鴻博未遇薦修三禮書成將

特薦館職而公遽卒姚僅敘縣丞感賦云雕刻千言雙鬢

苦挽回一命萬牛難又云折柳魂消燕市酒開箱淚墮晉

公謙後偕公子柄撫晉獲買山資歸老於燕其中州記畧

及詩文殘稿西林後人尙寶藏之稱念慈先生云

西華門內雪池康熙中四送歸新第見蔡紀恩詩樂遇無與倫比

賜蔡升元飭內府司員水雪施工尅期告竣令同直陳廣

陵元龍送歸新第見蔡紀恩詩樂遇無與倫比

藤陰雜記

卷四

蔣文肅公第在李廣橋枕淨業湖

御賜秀寫蓬壺額鮑西岡鈔淨業湖詩李廣橋頭望春冰

已渙然人家依岸曲樹色引河沿勃起臨淵興忻逢霽雪

天會爲五湖長憑軾亦延緣湖中荷花頗盛消夏尤宜

護國寺西先爲張文和公廷玉第後改西華門內

賜史文靖公余癸未出錢塘王文莊公門下曾於此第謁

見有江山勝地皆行部臺閣崇班半屬僚之聯後文靖薨

賜文莊師生接住亦是佳話文莊內直二十四年以除夕

賜福字二十四懸掛日二十四福堂外無餘地公子請日

此後拜

賜何以置之公曰別置一軒名曰餘福而卒于丙申捐館
語竟不遂雖飾終典禮與文靖同而文靖年八十二公年
僅六十壬子公朝相招余飲堂前鸞枝花下有感乙未

讌集賦詩云鸞枝纔放曩晴空竹石參差剩幾叢絳萼依
然開爛漫紅牙猶憶唱玲瓏西州感逝懷喬木東閣承家
紹素風不盡銜杯增繾綣柏臺行見騁花驄公子記名御
史旋守河間

平則門二條衛衛爲武進劉文定公第公四十以侍郎直
軍機四十九晉總憲太夫人八十

藤陰雜記

卷四

九

賜延暉承慶額公主鄉會試俱號得人璫庚辰出公門下
時往展謁公以總憲久直樞廷門闕蕭然司閤不阻見公
與人對弈裕衣蕉扇談論詩文忘倦大拜後園居于文襄
同院喧寂懸殊客至恒手自拂塵拱客立待取褥清望一
時莫及

汪文端公第在東城十三條衛衛今名有黼黻宣勤六典

持衛

賜額已巳參知政事旋降侍郎復入樞廷官躋冢宰嘗於

麗景軒中以首夏猶清和分韻宴集戊寅卒於位

御駕臨喪飾終優渥極人臣之榮遇

英文肅公廉雍正壬子舉人南河効力日與名士倡和有淮南遊草回京改任北河永定道因決口遂革職復起戶部司員久任郎中晉尙書大拜掌翰林院嘗於竹井書屋迂竹軒延翰林有詩名者倡和成帙又有獨往園九日集吳白華諸翰林登高餞查太守禮見白華集
介少宗伯師第在燈市口有野園汪文端題野園詩數竿修竹靜生香猶記開軒六月涼多少樓臺圖畫裏吟情不較野園長庚辰晉謁尙見池亭佳勝師於壬午捐館遂不復至

德定圃師第在史家衚衕公自東粵還京歲集諸門生宴

藤蔭雜記

卷四

十

集樂賢堂內藏書萬卷蒔花種竹綴茗吟詩編樂賢堂詩
卒年七十一公子英和王子癸丑聯捷入翰林惜公未見
尹文端公第有絢春園又名晚香韋約軒謙恆沈雲椒初
俱用少陵遊何將軍山林詩韻賦詩十首

瓊華島遶后洗粧樓相傳爲金章宗李宸妃非遶后然詞
人歌詠名作如林錄其尤者如陳迦陵維崧滿庭芳詞云

細馬輕衫西風南苑偶然人過金溝道旁指點遶后舊粧
樓想像迴心宮院鈿箏歇含淚梳頭青史上武靈皇后一
樣擅風流堪愁成往蹟繚垣敗鬢滿目殘秋便脂田粉
燈零落誰收莫問完顏耶律興亡恨總是荒邱紅牆外誰

拋金彈年小富平侯又齊天樂云洗粧樓下傷情路西風
又吹人到一縵山鬢半梳苔髮想像新興闢塔鈴聲悄
說不盡當年花明月曉人在天邊軸簾遙閃茜釵小如
今頓成往事回心深院裏也長秋草上苑雲房官家水殿
慣是蕭娘易老紅顏懊惱與建業蕭家一般殘照惹甚閒
愁且歸斟翠醪島中有自塔鮑西岡詩云太液冰融春氣
和瀛臺一派水風多披雲近歷瓊華島禮佛遙瞻窳堵坡
小李將軍徒見畫大都仕女競相過觚棱金雀紛難識禁
扁流傳恐亦訛

廟市惟東城隆福西城護國二寺百貨具陳目迷五色王
藤陰雜記
卷四
十一
公亦復步行評玩鮑西岡有句云三市金銀氣五侯車馬
塵足括廟市之勝

西河詩話安定門西有祝家園關左祝御史別業也春末
京朝官多休沐其地梁蕉林桂枝香詞首句云賞心樂事
祝家園裏曼殊亦爲詩云階草銜虛檻亭榴接斷垣酒闌
攜錦瑟請唱祝家園今不知歸誰氏記以俟考

興化寺街宇文襄第雨梧書屋後賃蔡小霞

延衡

韋約軒

重過見藤花有感詩東閣當年未敢窺年來頻見紫雲垂
不知醉澆車茵者誰向花前酌一卮又飲藤花下詩紫瓊
壓架覆蒼苔東閣潭潭傍日開爲問年時頻爛漫幾人能

到後堂來

柴市爲文信國授命處建文山祠唐東江

孫華

詩云衣冠

仍宋代忠義照人寰身拄天綱絕心扶帝室孱人居永叔
上祀在武侯間憶昔時標季逢危歷險艱掄魁光制策正
議觸權奸朝右多狐蟻中原盛狒猯戈誰揮日指弓競射
天彎犀甲逃荒谷龍輿落海灣有心奔鬲氏無計服戎蠻
金雁離陵墓銅駝泣草菅但存一旅在猶望九旂還戰苦
身攢鏃途窮血裏斑六歌聲慷慨百死走間關虎口危頻
搯龍髯痛莫攀海鰭猶舊卒玉馬坐新班流涕訶宏範從
容詆伯顏死悲非宋土徇恨不厓山身幸空坑脫朱仍柴
藤陰雜記

卷四

三

市殷忠驅十宋義節並兩周頑皇羽西臺淚千秋尚一漈

吳超亭

興宗

詩四海憑依祇一舟期年苞繫抵千秋戎衣

進講存家學劍佩持危徇國讐後代方黃如繼體前生瑕
呂是同儔宋儒報禮逾巴蜀豈獨將軍軍號斷頭

宋牧仲過銀錠橋舊居詩鼓樓西接後湖灣銀錠橋橫夕
照間不盡滄波連太液依然晴翠送遙山舊時院落松槐
在仙境笙簧歲月閒白首鍊師茶話久春風料峭暮鴉還
橋亘積水潭畔是詩能狀其勝

積水潭荷花極盛法梧門司成壬子夏招客賦詩丁巳閏
夏復集余亦偕往分韻賦詩繪圖記事余詩有此地昔平

泉喬木猶葱蒨西涯跡已陳西厓詩最羨句梧門因作西
涯考賦詩三首考云納蘭容若淶水亭雜識稱李長沙賜
第在西長安門西俗呼李閣老衚衕其別業在北安門北
湯西厓集題李文正慈恩寺詩序云喬莊簡跋文衡山西
涯圖云寺之後曰西涯考公懷麓堂集有西涯十二首第
四卽慈恩寺他如楊柳灣鐘鼓樓四詩中亦互見則慈恩
寺在西涯東因以自號今不能識其處公不但無別業並
生時故居久廢公罷相後客至不能具魚菜風操如此豈
能更爲平泉木石計集所云督復舊業者始終未之復也
燕都游覽志云積水潭在都城西北隅東北亘二里餘南

藤陰雜記

卷四

十三

北半之俗呼海子套又云海子南岸舊有海子橋亦名月
橋俗呼三座橋又云銀錠橋在海子三座橋之北此城中
水際看西山第一勝處不似淨業湖之逼且障也又云德
勝橋西有積水潭轉而南得藜光橋又云三聖菴在德勝
街左巷後築觀稻亭夏日桔槔聲不減江南明一統志云
大慈恩寺在府西海子上舊名海印寺長安客話云海子
橋北舊有海印寺宣德間重建改名慈恩今廢爲厰何大
復慈恩寺詩海子橋西寺高樓御苑花朱國祚介石齋集
宿淨業寺詩云僧樓佛火漾空潭李廣橋低積水含近人
吳長元宸垣識畧云海潮觀音寺在銀錠橋南灣又云明

嘉靖碑海印寺東爲廣福觀西爲海潮寺又云西涯爲李文正故居其誥命碑陰記云吾祖始居白石橋之旁後移慈恩寺之東海子之北余綜諸說與地址印證蓋廣福觀

在今鼓樓斜街

今之萬甯橋澄清閣

今之三座橋

之北海潮

寺之東地名煤廠文正故第當在是廠西則爲李廣橋宏治時太監李廣以符籙獲寵文正疏引唐柳泌宋郭京爲鑿有爲乞祠額者公執不可橋或廣所造奸璫遺穢橋亦蒙羞後人易名黎光又嫌文飾不如直名李公橋蓋橋實近在煤廠爲文正誕生之地貴後賜第今按院衙衙至李閣老衙衙者爲李賢第淶水亭雜識殊不足據至西涯則藤陰雜記

卷四

十四

今之積水潭無疑潭卽水關在諸河極西林木叢鬱水石清幽其先爲法華菴今

勅建匯通祠桔槔亭稻田楊柳灣皆可指識其地淨業湖十刹海分流匯注歸宿于澄清閣余居距李公橋不數武門外卽楊柳灣西涯則屢至其地未考始末偶過蘇齋見西涯圖展玩因詳辨之併補圖招諸君子賦詩焉

東城智化寺爲王振建梵宇巍峩振留土偶乾隆初沈侍御廷芳

奏毀寺近舉場章湖莊太守

銓

寓此賦詩淋漓感

慨可作一則史論讀詩云寥落緇流在低徊舊道場寺從天順建勅賜佛經藏忠蓋遭闖寺摧殘甚漢唐鐵牌誰滅

跡成祖首遺殃正統初嗣立刑餘未燭張中宮崩太后內閣失三楊持柄惟王振膺城欠李綱乘輿淪土木烽火入邊牆幸是天人佑全無矢石傷童謠符雨帝社稷賴廊王少保勲勞懋元戎戰績彰奪門忘手足復辟念貂璫忽謂忠誠著宜令廟貌莊毘盧侈像設金碧極輝煌殄瘁端因此貽謀遂不滅南牙成水火北寺總朝堂禍至上公魏凶踰西廡汪錦衣蔭弟姪緹騎徧蘇杭更嘆生祠建先於聖廟旁初時聞近輔延蔓及遐方要典春秋比聞人左魏當門懸宸賜額爐燼尙方香開府乾兒輩中涓義父行應山先斃獄廷弼續追賊赫矣思宗立於焉逆案詳縱加奸黨戮無補國家亡女謁須嚴絕閹人必慎防如何令宦侍甘使葦王章此寺人憑弔前朝事渺茫兩碑俱沒字萬佛自迴廊遺像今消歇層樓漸廢荒子孫忘法守先見服高皇

藤陰雜記

卷四

七

欽
聯句有樓添槐雨涼屏引梧颺颺綠雨槐雨未知孰是
姚彌圍賦長歌

康熙七年京師正陽門挑濬御河得玉印如升篆文人不
能識少宰孫北海承擇家居聞之曰此元順帝祈雨時所

刻龍神印也各門俱有之蓋雨後卽埋地下耳見筠廊偶筆

王漁洋司寇前門道院鶴詩憐爾冲霄翮胡爲近市喧依然能警露宵復慕乘軒月出孤松頂泉流白石根故山如在眼早晚謝籠樊今香火煩盛院宇不寬久無鳴臯栖止矣

天啟時宮中塑關聖像二尊一大一小有日者推算小者

藤陰雜記

卷五

二

福壽綿長香火百倍大者不及熹宗遂以小者棄置正陽門右側小廟而供大像於後宮增其祭品以窮日者之言未幾闖賊入宮燬像而前門香火極盛

漁洋年譜云正陽門關廟祈籤靈驗余戊戌榜後祈得君今庚甲未亨通且向江頭作釣翁玉兔重生應發迹萬人頭上逞英雄未喻其旨後庚子司李揚州甲辰升去江頭蓋指揚州繼由戶郎改侍讀乙卯升祭酒是年閏八月余生閏八月玉兔重生又驗萬人頭上或官至一品之兆

秦澗泉修撰大士甲戌散館求得籤句云靜來好把此心

門不解何謂試題松栢有心賦忘抑心字列之高等

上看出日狀元有無心之過試官無有眼之人隨園詩話

云然

壬申鄉試有人求籤問題得陰裏相看怪爾曹舟中敵國

笑中刀藩籬剖破渾無事一種天生惜羽毛茫然未喻入

聞首題乃夫子莞爾而笑三句次題故天之生物三句三

題交聞文王十尺三句方驗

同年湯蓼棠將選知府求籤得君是山中萬戶侯那知騎

馬勝騎牛今朝馬上看山色爭似騎牛得自由及選得南

安同年飲餞首演杜寶勸農正吟此絕杜乃南安太守也

湯後終南昌守

藤陰雜記

卷五

三

南海程周量

可則

喜喫檳榔官兵部時王漁洋戲贈云趨

朝夜永未渠央聽鼓應官有底忙行到前門門未啟轎中

端坐喫檳榔昔正陽門專許輿入車不準行時京官無一

乘車云

陳澤州初寓宣武門東街與李湘北少宰比鄰乙丑除夕

移青藤館新居詩五春三度移居日桃梗椒花總閉關新

齋詩莫道幽居小樓頭半萬家又有六友齋玩月詩又青

藤館晝睡詩汪簡紛難就青藤蔓許長又簡西鄰給孤寺

主詩則定在珠市口西今莫考其舊第

澤州甲戌服滿入都戊戌同年會於邸第僅得七人有見

潘岸谷比部詆屠芝巖給諫詩細柳新蒲綠映空曲江花
有幾枝紅天家一榜四百士白首相知六七公海上故人
如夢裏薊門落月滿樓中逢君舊憶銅龍事左掖清陰入
院桐時距戊戌三十七年耳零落至此芝巖名粹忠後官
兵部尙書郵人

二忠祠在鮮魚口吉水人祀文信國李忠肅邦華忠肅甲

申徇節於吉安會館卽此舊聞考稱在城內文信國祠未
確柴市一祠未聞作吉安會館此祠又名懷忠會館丞相

祠堂邊華泉聯句花外子規燕市月柳邊精衛浙江潮趙

歐北翼謁祠四首詩注亦云李公徇節公祠下詩如半生

蔭陸雜記

卷五

四

聲伎勤王散一代科名死事尊血碧肯汙新贈謚汗青終
照舊題詩末首弔忠肅云就諡神前手掩關又傳文水繼
文山故知曠世心相感恰好同鄉跡再攀地本表忠真死
所志同徇節肯生還傳芭曲裏神絃緊廟祀應增配食班
昔同年歐陽晴巖新謁選寓祠頗經瞻拜今兩遭回祿未
克修復門榜徒存廬陵節義之鄉無人倡議重修能無慨
歎

天壇道院昔爲讌集之地胡南茗會恩有道院看牡丹詩

青陽好序頓過三選勝如遊百頃潭碧落清虛人罕到香

林詰屈馬偏諳玉壺酒貯芳春思石鼎詩聯永夜談共說

元都添絕豔不須崇敬訪名藍又道院祈雨詩蕭蕭古院
薜蘿青鐘鼓頻催午夢醒安得此間長避世卧看羽客誦
黃庭又齋宿卽事瑤壇清絕地借榻卧閒房壓檻秋花細
鳴檐夕雨涼新泉烹日鑄古鼎蒸都梁入夜聞天籟塵心
一切忘

道院卽神樂觀今改神樂署馮大木

廷樞

有神樂觀送同

年之官詩云尺五天邊春晝晴同遊南陌麴塵生客來彌
勒龕中坐詩向桃花潭上成乾隆七年滿御史某攜伶看
花因遊人雜沓遂奏禁栽花拆毀酒肆至今不植花卉惟
古松尙存膠枝黛色夏可納涼鮑西岡坐樹下詩不識南
藤陰雜記

卷五

五

郊路悅從物外遊神霄穹宇麗森木綠垣幽壇草萋以茁
時花春復秋風蟬吟不盡返影下林邱

查他山

慎行

鳳城新年詞纔了歌場便買燈三條五劇一

層層東華舊市名空在靈佑宮前另結棚陳其年

維崧

有

同人集靈佑宮會飲詩今宮前並無燈市陳澤州

廷敬

有

至日陪祀同王阮亭靈佑宮早起詩今天橋宮觀悉爲諸

王齋宿之所

吳梅村祭酒金魚池詩金魚池上定新巢楊柳青青已放

梢幾度平津高閣上泰壇春望祀南郊注謂天慶寺高閣

今圯胡南荅詩菰黍萑華滿帝畿散朝仙侶叩巖扉齊迴

玉勒連錢騎並試香羅疊雪衣日射朱魚吹浪泳花隨綵
燕撲簾飛當筵水調歌聲緩身似遊雲忘夕歸曹秋岳侍
郎啓詩旁城微雨踏花過五色文魚戲綠波不爲水亭堪
繫馬香車珠箔動人多王漁洋冬日過金魚池詩記來劇
飲暮春天絡馬青絲白玉鞭卻倚迴廊望珠箔吳歌趙舞
爲君妍王橫雲鴻緒上巳詩花底張雲幔風光滿碧汀一
杯同洛禊曲水卽蘭亭繁艷可想今蕭瑟已久僅有金魚
鮑西岡詩地是金源舊人還白蛤來茶脾銷瓦礫柱礎摺
蒿萊則雍正初年荒涼已甚

金魚池北金臺書院蓋仿首善遺意董於京兆尹昔陳句

藤陰雜記

卷五

六

山京兆兆崙

延顧虞東鎮

姚礪圃汝金

掌教得人最盛姚

赴晉陽時句山贈詩云廿載金臺懶赴官客中爲客感無

端東門帶草重重在待繫先生去轍難謂門下士有涕泣

送行者湯緯堂大奎有過金臺書院觀金魚池得魚字五

十韻詩後半云憶昔瑤池甃俄驚屋社墟年深埋瓦礫灰

劫剝沮洳載咏施

愚山王漁

句長懷韋杜居風流猶昨耳吟

賞復誰歟花鳥餘文藻菰蘆愧爍樗陳詩聊紀興清露滴

蟾蜍

朱竹垞檢討

彝尊

康熙戊午入都舍於三里河橋之南泉

寺與李武曾

良年

同寓撰惜字林記見竹垞年譜今寺門

尙存橋側有鐵山寺亦似古剎

亞谷叢書云京師戲館惟太平園四宜園最久其次則查家樓月明樓此康熙末年酒園也查樓木榜尙存改名廣和餘皆改名大約在前門左右慶樂中和似其故址自乾隆庚子回祿後舊園重整又添茶園三處而秦腔盛行有魏長生陳漢碧之流悉載吳太初燕蘭小譜近又見瑞雲錄以續燕蘭小譜皆好事者爲之

京腔六大班盛行已久戊戌己亥時尤興王府新班湖北

江右公讌魯侍御贊元在座因生腳來遲出言不遜手批

其頰不數日侍御卽以有玷官箴罷官於是搢紳相戒不

藤陰雜記

卷五

七

用王府新班而秦腔適至六大班伶人失業爭附入秦班覓食以免凍餓而已侍御居官頗直曾奏官兵過境擾累覆奏千言視南漕錚錚有聲歸江陵十餘年因荊州水決全家溺斃畢制府沅以詩云最憐多繡烏臺客披髮何由訴大荒

如是我聞載倪少宗伯

承寬

感舊爲方俊官作詩云落拓

江湖鬢欲綵紅牙按曲記當時莊生蝴蝶歸何處惆悵殘

花剩一枝詩未有註後官名蘭如吳人爲莊本清學士所

狎有狀元夫人之號已卯入都學士已歿憔悴自傷門前

冷落宗伯詩語無泛設嗣後南部李桂官方至其詳見袁

隨園趙甌北長歌稱史文靖於庚辰重赴瓊林宴上亦呼
狀元夫人後依秦中幕府較方爲優

祝豫堂中翰

維誥

作燕臺新樂府如太平鼓免兒俞響蓋

縫窮婦之類是也蔣太史

士銓

亦有十四首如弄盆子畫

眉楊象聲兔兒俞戲園雞毛房潑水卒堆子兵搖鈴卒唱

估衣縫窮婦唱南詞其檔子尤爲悚切足以警世詩云作

使童男變童女窄袖弓腰態容與暗迴青眼柳窺人活現

紅妝花解語愁來低唱想夫憐怨去微歌奈何許童心未

解夢爲雲客恨無端淚成雨尊前一曲一魂消目成眉語

師所教燈紅酒綠聲聲慢促柱移絃節節高富兒估客逞

藤陰雜記

卷五

入

豪俠鑄銀作錢金鏤屑一歌脫口一纏頭買笑買嗔爭狎
夤夜闌卸妝收眼波明朝酒客誰金多孩提羞惡已無有
父兄貪忍終如何君不見鶯喉一變蛾眉蹙斜抱琵琶定
場屋不然去作執鞭人車前自理當年曲花檔子散處前
門左右鮮衣美食一無所能色衰音變則爲彈手教演幼
童若無資卽執鞭趕車否則入雞毛房矣

京師元旦賀歲奔忙可笑然禮設已久臺垣雖門貼槩不

賀節公約而不能止也阮表園

學浩

戲作云爭門投刺亂

如煙輻輳衝風亦可憐觸眼但逢騎馬客縱懷須待聽鶯

天久知肩戶饒清福頗愛燒香作靜緣視席塵封爐火冷

誰教疲絕短檠邊

新年例貼門神查他山唐實君作傳誦已久近趙甌北翼
作更欲突過前人詩云劍笏森森謹護呵東西相向傲誰
何滿身錦繡形空好一紙功名價幾多辟鬼漫同鍾進士
序神還讓寇閭羅欲稽故實慚荒陋或仿黃金四目儼執
戟垂紳將相權曾傳褒鄂壯凌煙描來花樣輝三徑報滿
瓜期例二年人欲登龍先仰望門雖羅雀肯他遷誰家健
婦誇持戶勞績殊難企及肩漫噲兩腳踏空虛身已離塵
跡自疏甘守倉琅監鎖鑰肯隨朱履上堂除無言似厭人
投刺含笑應羞客曳裾暮夜金來君莫受防他令眼伺門

藤陰雜記

卷五

九

閩閩金魚池西精忠廟祀岳忠武自靈佑宮燈市罷後廟設煙
火人競往觀又土塑秦檜以煤炭燻之至盡曰燒秦檜蓋
仿火判之形也火判城西有四五處秦澗泉作賦紀小齋
作詞先大夫同作四律頗爲同人所賞詩云誰於火樹現
雄豪腰腹臙然尙沃膏腳色似曾誇進士頭銜猶未換功
曹虛中大可營三窟注燄無煩駕六轡一片熱腸人海坐
年年燈影照霜袍茶毘了義本三乘火裏蓮花拔宅升袍
笏宰官雖說法糾名書判最難憑焦頭上客宜蒙賞燒尾
豪筵獨許登登天當場招鮑老且來附熱看春燈裝點鬚

眉異揀工鼻頭出火耳生風陰陽爲炭靈其下蠟炬成灰
夜未中西岸豈愁溜水降東方兼挾泰山雄熏天炙手須
與事薄盡心腸是老公燭龍向夜吐星芒踏遍宣南宣北
坊此老自來誇赫絕世人多不愛清涼赤燦暫借三更勢
焦土回看一炬荒賸與帝京添景物軟紅明日又飛揚

藤陰雜記卷六

吟梅居士

東城

國初益都相國馮文毅做廉孟子萬柳堂遺制既建育嬰會於夕照寺傍買隙地種柳萬株亦名萬柳堂毛西河奇

齋石林萊作賦陳其年序朱竹垞記又賦詩云不到閒

園已隔年綠楊高並女牆連無妨並馬橫橋渡更許深杯
曲水傳徑仄易侵蘋葉小日晴况有杏花妍舞雩幸忝從
遊列擔沱春光過禁煙小徑升堂步履借隄沙遙築避塵
壘歌翻驟雨新荷好地比崇山峻嶺佳露井有花滋藥甲

藤陰雜記

卷六

一

春衣無桁掛松釵永和會後茲遊最喫飲蓬池未許儕益
都致政門生祖餞和詩傳汪蛟門懋麟都門人送賀知章

潘稼堂未東山身爲草堂留佳句如竹垞二首亦絕唱也

詩曰十里沙隄萬樹楊秋容猶未點新霜小車稷下將歸
日上巳城東舊醉鄉坐立部歌聽總好田園樂事話方長

千秋祖帳羸疏傳錄別尊前有和章白頭許賜治源閒青
史難將諫錄刪此去耕漁尋舊侶且憑絲竹解離顏開簾

浴鳥階前水過雨斜陽檻外山他日從游期莫定強留嘶

騎玉河灣陳澤州廷敬重陽讌集詩曉隨丞相鳳池頭晚

接花茵想勝游萬里捷書頻送喜一時佳節倍銷憂松風

有夢懷溫樹魚水多情羨野鷗不盡謝公絲竹興邊機樽
俎在前籌勝跡王孫萬柳賒相公清興渺雲霞黃塵漠漠
雙蓬鬢豔盡淒淒舊菊花見說登臨猶昨日笑憐歲月屬
官家何時蠟屐陪歡讌也比參軍落帽紗益都入朝出此
詩示徐立齊相國曰終當讓此公

繩孫

柳枝詞丹禁城南小苑開萬株新柳拂煙栽相公

論道歸常晚能踏沙隄幾度來問訊平泉金縷枝陌頭飛
絮可同時移根獨近金莖露不向春風管別離軟紅衝過
六街塵剪綠搓黃別作春糝徑會憐花似雪不能更要埽
門人雨滋煙斂綠成行小小紅亭曲曲塘應待相公修禊

藤陰雜記

卷六

一一

飲拂開萍葉送流觴薰風蹠柳遍春城可似章臺走馬情
共指平津開閣地莫教錯認亞夫營柳浪萍池自不屬黃
鸝啼處綠冥冥長安冠蓋渾無暇幾箇雙柑樹底聽踏青
挑菜卻來無譜出清明士女圖最想攀條人散後一庭涼
月夜啼烏太平橋畔最麤麤早許遊人蠟屐探但傍上林
眠起穩不妨搖落有江潭年年三月鬪芳菲雨露常沾在
紫微不管滄川千萬樹盡舒青眼望公歸盜借人樽出
胡南若次韻詩春入平泉萬綠分清暉水木映斜曛柳湖
夜漾千林月松島晴歸衆壑雲虹影雙垂穿樹見鶯簧百
轉隔溪聞丹臺翠壁留題徧休暇東山此樂羣興發熱

康熙中馮氏將堂歸石文桂壁上盡刊其誥身供長生祿
位改寺曰拈花鮑西岡鈔詩云野雲舊跡已消沈故相遺
墟尙可尋曲水當年修禊事荒池今日照禪心空傳驟雨
新荷調剩有山禽楚雀音怪底春陰偏釀雪手寒無那強
憑襟息壤長留並冶源風流誰復更爭墩橋橫中島春冰
淺樹繞斜岡蔓草昏一自鏡湖歸賀監長教祖帳說青門
城南韋杜今無幾水石平泉幸僅存又卽景詩叢薄莽無
際秋聲宵在城葦間聞釣樂林卻見山行漠漠渚花淡蕭
蕭沙鳥清嶺亭何處是吳語一關情湯西厓詩橋壞誰裝
新雁齒水枯已斷舊魚梁尤感慨係之矣

藤陰雜記

卷六

三

嚴海珊遂成詩盧趙風流去已賒野雲池柳有棲鴉新荷
驟雨瀟瀟夜寂不聞歌解語花手執珠槃集霸才火城如
畫綺筵開而今馬矢填車廐誰記平泉草木來此乾隆初
年也近則柳枯水涸橋斷亭傾石氏石刻尙嵌壁上無復
知爲益都別墅矣壁黏履郡王七古覃字韻詩極爲盛
衰感慨時余視東城擬往鈔錄旋以御事未果

高念東

珩

亦園記萬縷將披細柳知濃陰行埽蘇堤數尺

自出清泉是神力驅成香海是萬柳堂又名亦園馮益都
亦園春興詩小築城隅柳滿隄綠雲低護草初齊次首亂
飄柳絮鋪新徑細數桃花過野塘是園卽萬柳堂王橫雲

和詩春濃亭榭護沙隄翠碧千重柳帶齊吹去雜花迎緩
鞋飛來好鳥喚扶犁輕陰色散旃檀外斜日煙濃漢苑西
佳景欣當調鼎暇關河極目暮雲迷嚴存菴我斯題亦園
詩清時謝太傳此地卽東山物我風塵外經綸魚鳥間幾
人能後樂半壑有餘閒吾亦忘機者披襟自往還濠梁秋
水上窈窕赤欄干石細縈書帶藤低礙籜冠樹聲千壑雨
雁影一汀寒絕似江南景憑誰把釣竿草堂開綠野曲樹
俯清渠最愛陶家柳還同杜甫居天高秋射隼沙暖晝觀
魚到處乾坤大何須賦遂初毛西河亦園修禊詩曲江修
禊已三年勝飲無如柳下偏地曠儘教油幔接溪迴不礙

藤陰雜記

卷六

四

羽觴傳沿隄草向春深發夾路花從雨後妍陪得蓬山舊
仙侶到來滿座盡雲煙良會何須絲竹借春風處處遠塵
霾東流水色清堪戀北地晴光淺亦佳高柳隔簾拋粉絮
新蒲刺水簇金釵洛中禊飲年年事丞相同行豈易儕
沙窩門有放生池順治中浙人范思敬實創始焉初范嘗
夢到一院禪室懸木魚有人云東坡居此遂入謁坡云吾
有王文正公泥金書法華一部授汝坐側有一人侍立云
何姓覺而異之旣放生池成延一老宿居之范一日至院
宛似夢中室懸木魚僧忽云有一法寶今贈居士視之卽
王文正公金書法華經也室有募緣疏爲何御史書豈僧

卽東坡後身耶池北偶談

梁蕉林

清標

任司農時有秋碧堂刻晉唐法帖汪蛟門

懋

麟賦讌集詩秋碧堂中夜如水桂花正吐黃金蕊抹麗含

香夾竹紅水晶簾外冰輪起食譜茶經夙講求玉盤新薦

楓亭荔絳珀深凝鳳尾膠碧煙細淪龍團字又搆蕉林書

屋自題云半船坐雨冷瀟瀟彷彿江天弄晚潮人在西窗

清似水最堪聽處是芭蕉淡煙晴日滿簾櫳春色依依上

小紅客爲看花頻載酒海棠開否問東風今城東莫考其

遺址

程篁墩謂京師最盛曰梁氏園牡丹芍藥幾十畝孫退谷

藤陰雜記

卷六

五

謂梁園引涼水河水入其中亭榭花木一時稱盛康熙中

冀尙書招董玉虬

文驥

梁園李家莊汎舟觀燈詩云此地

足煙水當年幾溯游王橫雲有朱荔裳招飲梁家園詩半

頃湖光搖畫艇一簾香氣撲新荷林間綠酒常浮月座上

清歌迴遏雲沈心齋有陳以樹招飲梁家園警露軒詩野

曠天高啟八窗門前一碧響淙淙舊聞考稱南極于魏村

似又在左安門外今莫知其址但知北城有梁家園空曠

平原並無煙水余已卯入都但見堆積糞土後築官房李

吏部

調二元

寓焉築看雲樓有檻外遠山排闥繞樓前積水

當湖看之聯今有僧募蓋壽佛寺設義學

先大夫官儀曹日偕同寅諸公穀雨後二日作東城之遊
賦詩云鳳城南望禁牆封馳道逶迤接九重宿雨已滋金
埒草流雲不散石壇松迴看城闕披橫幅卻話煙雲指遠
峰曾是文明河上路朱魚唼藻寫春容三里河卽魚藻池
舊有元文明河
柳枝無力挂春衣太息池塘景物非名士不隨陵谷變虛
堂奈此管絃稀打鐘埽地空諸相解帶量松驗幾圍回首
沙隄行樂日紅燈官馬載花歸萬柳堂傾圮
特甚有感
崇文門外三條衢衙有查氏圍施培叔朝幹賃住時頻訪
林木葱蒨池館清幽未幾以无妄被議移寓城西牽復嗣
是遂無京官居住恐鞠爲茂草人矣

藤陰雜記

卷六

六

東便門至西便門三冬凍合設拖床坐人比車較省鮑西
岡詩云寥色起城隍堅冰致用良陸行宜殿脚匡坐稱車
箱方馬虞顛覆浮槎歎渺茫何如溱洧上滿載一床床吳
白華消寒賦冰床聯句蔣苕生有冰床樂府

陳澤州三晉會館記尙書賈公治第崇文門外東偏作客
舍以館曲沃之人曰喬山書院又割宅南爲三晉會館且
先於都第有燕勞之館慈仁寺有餞別之亭公兩以節鉞
鎮撫四方爲善於鄉如此今北城有三晉會館規模甚狹
東城賈第及館幾不可問

查他山京師中元詞萬柄紅燈裹綠紗亭亭輕蓋受風斜

滿城荷葉高錢價不數中原洗手花銅盤小拍坐張燈手
指東城滿月升從此夜遊涼似水漸無人賣擔頭冰

史忠正閣部京衛人也後裔零落遺像霽于廟市蔣苕生
得之敬藏高東井

文照

賦詩云素練慄風霜鬚眉怒欲張

生原同信國死尙識睢陽心迹緋袍露江流玉帶長南都
成底業不畫上明光太息琅邪政君臣溺宴安中朝羣指
馬四鎮日爭蠻運去功名沮忠孤志力殫師門付衣鉢慄
慨竟身完謂左忠毅

光斗

拔史公於童子場中許他日必
爲非常人也

劉克猷

子壯

常夢爲朱之弼門生搢紳未見其名庚午計

藤陰雜記

卷六

七

偕入都僑寓黃岡會館下第步鄰塾見垂髫童子貌頗清
秀見書包有朱之弼三字遂大驚愕詢其家世寒微助以
紙筆之資久亦忘卻嗣久因公車已丑謁選強入禮闈朱
已弱冠丙戌進士授給事中是科分校遂出其房占大魁
官終侍讀朱歷官工部尙書徐東海誌墓有南莊在郊外
查他山有詩今故第後人俱莫可考

博晰齋

明

滿洲人王申編修外任府道改兵部郎中博聞

強識於京圻掌故氏族源流尤能彈洽老年頽放布衫草
笠徙倚城東醉輒題詩於僧舍酒樓酒如也有人有叩其姓
氏者答云八千里外曾觀察三十年前是翰林又云一十

五科前進士八千里外舊監司

藤陰雜記

卷六

八

五科前進士八千里外舊監司

花 後

本行出租保管箱所訂租用等費如有變更即由改訂之日起按新訂價目照數補收如
貴租戶表示不能同意得中途隨時聲明退租了清手續本行當將預交租費按月核算退還此啓

大陸銀行北平分行
保管箱租用費用收費條

今收到

謝壽定箱用本行第七七三號保管箱之租

用費自廿一年一月廿八日起至廿二年一月廿八日

止計國幣壹萬貳千貳百貳拾元正此據

中華民國廿一年一月廿六日



(此收條過期作廢)

新华书店
780



中國書局
1980年